

SUMMI THEOLOGI
D. JOH. GEORG. DORSCHER,

Prof. Publ. in Acad. Rostochiens.

DISSERTATIO

De

Horrenda & Miserabili

SATANÆ OB-
SESSIONE,

Ejusdemque ex obsessis
expulsione,

multorum votis expetita,

Juventutis studiosæ commodo

iterum prodit.

Apud DANIEL Schmatz / Acad. Typ. Witteb.

ANNO MDC LXXII.

STUDY THEOLOGY
D. J. GEORGE
First Publ. in Amer. Republics
DISTRIBUTED
Hortons & Milford
SATAN OF
SESSION
First publ. ex. oblique
expulsion
invention of the world
invention of the world

Wm. T. Deane & Co. London

58700(21)



CHRISTO DOCTORE ET DUCTORE.

PROOEMIUM.

Quantò, quamque immani odiò in-
fensissimus humani generis hostis, Draco ille in-
fernalis, & Leo subterraneus, adversus homines
flagret, verbis quidem dignè satis explicari ne-
quit; cum primis tamen acerbissimum ejus erga
genus humanum odium cognoscere possumus, 1. Ex lamentabili
Protoplastorum seductione. Illi enim ad imaginem DEI cum
essent creati, omnibus bonis animæ & corporis affluebant; sed
fraude Satana circumventi, nobilissimam istam imaginem ami-
serunt, seque cum omni posteritate in maximam calamitatem in-
jecerunt. Perpendentes itaque boni amissi præstantiam, & ma-
lorum persecutorum abundantiam, non possumus non ex eo colli-
gere, quanto quamque immani odio genus humanum Satanas
prosequatur. 2. Ex multiplici Ecclesiæ persecutione. Diabo-
lus enim descendit magnâ inflammatus ira Apoc. 12, 12. & subin-
de varias persecutionum tempestates excitavit, quibus conquaf-
satam voluit naviculam Christi Matth. 8, 24. Et sicuti à mundi
primordio sancta DEI Ecclesia truculentissimis Satana telis fuit
exposita; ita nec hodiè ab iisdem est immunis, semper manens
misera, quam omnes tempestates petunt. Esai. 54, 11. quò ma-
gis igitur sevit, eò magis odium ostendit. 3. Ex horribili Dia-
boli obsessione. Non enim veretur impudentissimus ille hu-
mani generis hostis templa DEI intrare & conspurcare, quemad-
modum id nuper non modò audiui; sed ipsemet adspexi, cum
Parcbum Rostochium tenderem, ibique per aliquot dies apud a-

*amicos commoraret. Animo ergo concepi, de horrenda Satanae
obsessione, ejusdemque ex obsessis expulsionem, impra-
sentiarum hac occasione disquisitionem instituere. De primo
membro Sectio prior aget: De altero Sectio posterior.*

*CHRISTUS JESUS, qui opera Diaboli destruxit, adsit no-
bis sua gratia, ut vera prudenter adferamus, mala audacter re-
fellamus.*

SECTIO PRIMA

exhibens

Satanicæ obsessionis con- ditionem.

THEOREMATA.

- I. *Obsessio Satânica est actio Diaboli, quâ ex permissu DEI ad
peccandum homines instigat, eorumque corpora occupat, ut
salutis æterna jacturam faciant.*
- II. *Estque vel spiritualis vel corporalis.*
- III. *Spiritualis est, quâ Diabolus ita homines impios possidet, ut
eos ad omnia peccata perpetranda impellat.*
- IV. *Corporalis est, quâ Diabolus homines, tam pios quam impios,
ita obsidet, ut in eorum corporibus habitet, eademque ex-
eruciet. Et de hac obsessione potissimum solliciti
erimus.*

EXPLICATIO.

Vocamus nos malum, de quo jam agimus, Satanicam obses-
sionem, à causa efficiente, quæ est Satan, impurissimus ille
Spiritus, de quo Christus concionatur Luc. II, 14. idque ad
differentiam possessionis Spiritus Sancti, qui etiam in cordibus
fidelium habitat, 1. Cor. 3, 16. & nos ab omnia bona ducit Ps.
143, 10. Sed de hac obsessione legatur Excell. Dn. D. Danhaverii
Scheid. und. Absag. Brieff/ parte 1. quæst. 5. p. 47.

II. Solet quoque *Possessio* dici, quia Satanas non simpliciter
obsidet homines; verum etiam cum imperio eos possidet, ut ad
nutum

autum suum iis possit uti, in quantum vid. divinae permissionis limi-
tes id concedunt. Græcis δαίμονιζέσθαι est à Diabolo possideri.
Hinc obsessi δαίμονιζόμενοι, Dæmoniacci dicuntur. Appellantur
præterea αἰσχροί καὶ πνεύματα ἀκαθάρτα Marc. 1, 23. & 5, 2. i. e. ho-
mines, qui à Spiritu immundo reguntur & ducuntur. Veneranda
Antiquitas vocat eos Energumēnos ex Luc. 8, 29. quia Diabolus per
obsessos operatur & agit. Item Arreptitios, quod à Satanā cor-
ripiantur.

III. Describitur autem obsessio in datā generali definitio-
ne à genere & differentiā. Genus est actio, quia tota obsessio respectu
Diaboli in actione consistit. Differentia desumitur 1. à principio seu
causa eff. Sicut enim Diabolus omnis mali causa est: ita etiā ob-
sersionem perficit. Accipimus autem h. l. vocem Diaboli non
αἰσχρός & exclusivè pro uno aliquo Spiritu maligno, ut Matth. 25. v.
41, sed συναγωγικός & collectivè pro totā Diabolorum catervā, ut
Luc. 8. 12. Act. 10. 38. Ephes. 6, 12. cum non unus Diabolus, sed plures
obsersionem peragant. Marc. 5, 9. Gerh. comm. in 1. Pet. ep.
pag. 895.

IV. Obsideatne ergo Satan homines pro lubitu? nequaquam.
Hinc addimus, quod id fiat ex permissu Dei: videns enim Deus ho-
minem præfractè reluctari Spiritui Sancto, ex iusto iudicio permit-
tit Diabolo, ut spiritualiter hominem obsideat, & de peccatis in
peccata ducat, sicuti id Judæ proditori contigit. Luc. 22. v. 3. Dein-
de etiam ob peccata hominum Diabolo concedit, ut quosdam ho-
mines corporaliter possideat, quorum exempla passim sunt obvia:
nisi enim Deus iustissimus ei laxaret habenas, nequaquam talem
tragediam instituere posset. Si absque venia gregem porcorum
non audet invadere Luc. 8, 32. Si Jobum externè absque Dei volun-
tate non potest affligere, Job. 1, 12. cap. 2, 6. Si hominum capillos
absque Dei permissu nequit inflectere Matth. 10. v. 30. quantò mi-
nus, ut hominem intret & cruciet. Voluntatem nocendi habet, non
potestatem, scribit August. in Psal. 103.

V. 2. A subiecto, quod est homo. Licet enim Satanas bru-
torum quoque corpora & alia quandoq; obsideat, eam tamen ob-
sersionem nos h. l. non attendimus, ideoque eam ad solos homines
restringimus, 3. A formā seu modo, qui est cum Diaboli ad peccan-

dum instigatio, tum ejusdem corporum humanorum occupatio. Ex primo obsessio spiritualis, ex altero corporalis nascitur, de quibus postea seorsim. 4. *A fine ultimo.* Nam ideo Satanas obsidet homines, ut vitæ æternæ naufragium faciant, licet non rarò intentione suâ, præsertim incorporalibus obsessis, excidat. Prætendit quidē nonnunquam honestas obsessionis causas. Hilarioni enim interroganti, quare ausus sit ingredi puellam Dei, respondit: *ut servarem eam virginem.* Hier. in vita Hilar. Corn. à Lap. ad 2^a. 19. p. 310. Tyræus par. 2. Disp. de Dæmoniacis c. 29. p. 86. Sed Hypocrita maximus condolentiæ pallio, ut basiliscus, suam crudelitatem tegit. Sein endsch Absehen heist: *ἀπώλεια.* Verderbung und Verblendung der armen Seel und dero geistliche Besiz/ait Danhaverus l. c. p. 117.

VI Dispescimus obsessionem Satanæ in spirituales & corporales: de duplici enim obsessione tantummodo Scriptura loquitur, ideoque juxta verbi divini ductum ita distribuenda venit. Sunt, qui tres species obsessionis constituunt, sed quia tertia, quæ spirituales & corporales obsessiones conjungunt, distinctam speciem non dat, & ex conditione subjecti, in quod concurrunt, tantummodo dependet, nolimus hanc tripartitam divisionem usurpare.

VII. Spirituales depingimus. 1. *À Principio.* Diabolus enim est fons & autor omnis peccati Joh. 8. 44. 1. Joh. 3. 8. Sicut primos parentes ad peccandum sollicitavit; ita nec hodiè ab isto studio quiescit. 2. *A subjecto,* quod ^{sunt} dant homines impii, operationi Spiritus Sancti resistentes. Augustinus docet tract. 6. in Joh. Christum id figuratè indicasse, Dæmonibus, ut in suos irrumperent, permittendo. 3. *A formâ seu modo:* Obsessio enim hæc nihil est aliud, quàm Diaboli ad peccandum persuasio. Si ergò sunt spiritualiter obsessi, qui à Satanâ reguntur, & peccatis delectantur. Eorum obsidet Diabolus intellectum, ne lumen Evangelii videant, & quæ ad salutem ipsorum faciunt, intelligant, 2. Cor. 4. 4. Obsidet eorum voluntatem, ut malis consentiant, appetitum, ut venenatas peccatorum delicias summa cum voluptate desiderent. Obsidet eorum cor, ne credant, aures, ne verbum Dei audiant, oculos, ne opus Dei spectent, linguam, ne orent, vocem, ne Deum laudent. Obsidet eorum manus, ne aliquid boni agant, pedes, ne in viam justorum ambulent

bulent, totum corpus, et sacrificium Dei fiat. Misera est conditio eorum, qui corporaliter sunt obsessi; sed multò peior illorum, qui spiritualiter à Satanâ possidentur. *Ista quidem est horribilior, cum in sensus incurrat; hæc tamen est gravior & periculosior*, inquit Gerhardus in Hag. p. 620. Sed de hac obsessione legatur Harm. Chem. cap. 65. pag. 1208. Danh. l. c. quæst. 7. p. 705.

IIIX. Corporalis itidem describitur 1. à *Principio*: in eo enim spiritualis & corporalis conveniunt. Errant ergò, qui id adscribunt animabus à corpore separatis. V. Tyræus par. 1. de dæmoniac. cap. 1. p. 5. 2. à *Subiecto*, quod constituunt non solum homines impii; sed etiam homines pii, cum nonnunquam contingat, ut ex sanctissimo & iustissimo Dei consilio & iudicio probi quoque homines à Satanâ possideantur. Impios Deus Satanæ obsidendos tradit, ut puniantur & corrigantur; pios autem, ut peccatorum fœditas indigitetur, & eorum fides exerceatur. de quibus fusius in quæstionibus. 3. *A modo*. Nam *primo Diabolus in corporibus habitat*. Hinc rectè dicunt *Scholastici*, quod obsessio notet *intimam & substantialem præsentiam Diaboli in obsessis, quodque Dæmones corpora obsessorum substantialiter intrent*. Occupant autem corpus vel *totaliter*, cum id totum permeant & afficiunt, vel *partialiter*, cum artus sibi quosdam vendicant, ut linguam Marc. 5, 12. Linguam & oculos Matth. 12. 22. & c. Deinde corpus male excruciat, sicut id ex historia evangelica patet Matth. 9. 32. cap. 15. 22. Marc. 9. 18. Luc. 8, 27. aliisque exemplis, quæ magno numero adducit Tyræus par. 1. disp. de Dæm. cap. 4. p. 10. Testantur id obsessi Parchumenses, qui incredibilibus sunt expositi cruciatibus, ut *autoψία* docet. Affliguntur vero obsessi non modo externè, sed & internè, ubi tales dolores sæpè sentiunt, ut vix animam ducere queant. Non igitur satis est, inquit Tyræus l. c. quæst. 2. p. 7. *Dæmonium hominem intrasse, ut Obsessus dicatur, requiritur præterea, ut in eundem saviendi vel agendi à Deo obtinuerit facultatem*. Notanter quoque Dannhaverus l. c. p. 202. ex Tyræo monet, daß man die verwandte und vorhergehende Actus und Händel des bösen Geistes / von den innerlichen herrschenden Händeln des bösen Geistes wol unterscheiden müsse. Sæpissimè enim & quàm miserrimè extrinsecus affligit Diabolus hominem per adfessionem, non per informationem, ut nauta navem movet, sicut id sum-

summo dolore Jobus & Paulus experti sunt, quos nemo sanus pre-
obsessis habebit. Non igitur inferre licet, hic à Satanâ excrucietur,
Ergò ab eo possideretur, minime gentium: hic enim dolor ab adfi-
scente, non obsidente Dæmone potuit infligi. Quocirca observa-
tione dignissimum est, ad veram obsessionem requiri & *inhabitationem*
& excruciationem, ut Satanâs homini *αὐτὸν κατοικήσας* insit, at-
que noceat.

QUÆSTIONES

QUÆSTIO I.

An obsessio Satanæ revera detur. ?

IX. **D**E obsessione Satanæ hæcenus disseruimus, ac quid & quotu-
plex sit, exposuimus; omnis autem tractatio ne unius assis
esset æstimanda, si Dæmones corpora humana non ingrederentur
& obsiderent. Probandum itaque est nobis, quod vere illud fiat.
Id ipsum comprobatur 1. *Scripturæ evidentia*. Sacræ literæ non modò
sæpissimè obsessorum mentionem faciunt, Matth. 4, 24. cap. 8. 16.
Matth. 16. 17. &c. verum etiam integras de iisdem historias referunt
quàm crudelissimè à Satanâ fuerint exagitati. Matth. 15. 22. Luc. 8.
v. 29. Marc. 9, 18. 20. quàm ferocissimè in alios sævierint. Matth. 8.
v. 28. & quàm potentissimè à Christo & Apostolis fuerint restituti.
Marc. 1, 27. Act. 16, 18. 2. *Antiqua & recens historia*. Si enim è re es-
set, magnum obsessorum numerum ex historicorum monumentis
colligere possumus; sed quia exempla passim apud historicos eccle-
siasticos occurrunt, nolumus huic rei operam nostram impendere.
3. *Ipsa quotidiana experientia*. Testatur id mulier quædam, quæ me
go Havelbergæ obsessam vidi. Testantur id pueri, qui Parchûmi
Satanâ obsidentur, & miserè torquentur. Testantur id alia adhuc
spirantia exempla, quæ quidem non oculis, auribus tamen percepimus.
Quod maligni Spiritus homines ingrediantur, & obsideant, negare non po-

test

est, nisi qui sensibus, quos habet, non putat habendam fidem: & omnem præteritorum temporum negandam historiam, & quæ sacris literis continentur, in dubium revocanda, scribit Tyræus par. 1. disp. de Dæm. c. 1. pag. 3. Notandum hoc contra eos, qui obsessionem Satanz vel morbis vel stellarum influxibus impropere, ut Aristoteles in problem. Sect. 10. 271. & medicus ille apud Philostorgium lib. 8. c. 10. Videntur etiam aliqui fuisse inter ipsos Pontificios, quos Salmeron disp. 8. in 1. Pet. ep. castigat: Sunt, qui putent, scribit, non esse Diabolos, à quorum insidiis propterea sibi minus caveant, & ipsi astutissimi hoc conantur persuadere, quò plus nocere valeant, & suggerunt rationes sophisticas, quò minus simplices & incauti credant. Cum vident arreptitios, cernuntque ab eis admirandâ quædam fieri, melancholia tribunt, aut menstruis, aut stellarum influxibus, atque ita ipsimet sibi Diaboli sunt, à quibus isti illudantur, cum tamen omnis secta Demones esse hostes hominum profiteatur. Confer. Ambr. Catharinus in c. 5. v. 8. 1. Pet. Sed nec morborum tanta vis, nec tantus stellarum influxus datur, ut ista causari possint. Vid. Tyræus l. c. & Dannh. l. c. quæst. 3. p. 36.

QUÆSTIO II.

An obsessi in Ecclesia habeantur?

X. **R**eperti sunt olim perversi iudicii homines, qui quidem obsessionem Satanz non sunt inficiati, eam tamen è pomariis Ecclesiæ proscripserant. Vid. Raph. la Torre disp. 28. Tostat. Abulensis q. 124. in Matth. 8. sed contrarium patet 1. ex inductione exemplorum. Ephesus certè & Philippi erant urbes, in quibus vera Ecclesia locum habebat; sed isti loci ab obsessis non fuere immunes. Act. 9. 16. c. 16, 16. Ita adhuc hodiè in nostrâ Ecclesia obsessi inveniuntur. 2. Ex obsessione piorum. Pios quandoque homines Satan ingreditur; illi autem in Ecclesia degunt, & sunt vera Ecclesia membra. Præclare hic observat Dannhaverus loc. all. p. 42. quòd in

B

Eccle-

Ecclesia tamen non tam frequentes sint obsessi, quàm in locis à verâ religione alienis. Quanta caterva obsessorum in Papatu fuerit, nemo non novit; luce autem Evangelii ortâ, liberata est nostra Germania aliquantulum ab isto malo. *Ante annos centum, quo tempore nondum heresis Lutheri nata, fatetur ipse Martinus Delrio l. 3. disquis. mag. q. 3. Sect. 5. p. 405. Germania Daemonum manifesta & crebra infestatione plenissima fuit. Inde etiam originem traxit, quòd omnis propè creatura utensilis habuerit suos appropriatos exorcismos, quibus Diabolus est expulsus & profligatus.*

QUÆSTIO III.

Num veræ obsessionis notæ dari possint?

XL. **A**rduum admodum & difficile est illud præstare, quemadmodum id facile colligere possumus, 1. *Ex mentis nostræ cecitate.* Si enim ea, quæ ante pedes sunt, sæpè nos subterfugiunt, quanto magis in his arduis & reconditis aberrare proclive est, cum etiam præstantissimi & experientissimi Medici sæpenumero obsessionem pro rabie, & maniam pro obsessione venditent. V. Vierus lib. 3. de præst. Dæm. c. 19. p. 360. *quidam scribit Fernelius l. 2. de abd. rerum causis c. 16. p. 372. non ita pridem quum per æstus nocte vehementer sciret, è somno surgens, potius non invento obvium malum forte prebendit, fauces sibi quasi manu præcludi strangularique sensu, simulque à subeunte Damone jam obsessus, visus est in tenebris videre se à prægrandi nigerrimoque cane vorari, quæ postea integra mente restitutus nobis ordine recensuit. Hunc non pauci ex pulsus, ex calore & scabritie lingue febricitare, ex vigiliis & mentis perturbatione simpliciter delirare judicabant. Juvenis alius familiæ equestris paucos ante annos corporis concussione, & quasi convulsione ex temporum intervallis laboravit, quæ nunc solum sinistrum brachium, nunc dextrum, interdum etiam digitum unicum, aliàs crur alterum, aliàs utrumque, aliàs corporis truncum tantâ*

*tantâ celeritate exagitaret, vix ut à ministris quatuor decumbens cobi-
beretur. Caput autem in-concussum jacebat, lingua & locutio libera, mens
sana, omnesque sensus integri, vel in convulsionis ferocia. Decies mini-
mum quotidie corripiebatur. In intervallis sanus, sed labore confractus.
Vera epilepsia judicari poterat, si mentis sensuumque lesio accessisset. Peri-
tissimi quique adhibiti Medici convulsionem epilepsie finitimam à mali-
gno venenatoque vapore spinæ dorsii impacto censuerunt, è quo vapor in eos
nervos emanaret, qui à spinâ in artus quoquo versum, non autem in cere-
brum disseminantur. Et mox ibidem p. 373. Quid queso, ait. cur tam
accommodatis remediis malum non cessit? Quoniam omnes longè aberr-
amus à cognitione veri. Nam mense tertio primum deprehensus Demon
quidam totius mali auctor, voce insuetisque verbis ac sententiis cum La-
tinis tum Grecis (quanquam ignarus lingue Græcæ laborans esset) se pro-
dens. Is multa assidentium, maximèque Medicorum secreta detegebat, ri-
dens, quòd eos magno periculo circumvenisset, quodque irritis pharmacis
corpus hoc penè jugulassent. Conf. VVierum lib. 3. de præst. Dæm. c. 12.
p. 239. Apostoli quidem & alii sancti viri in primitiva Ecclesiâ statim
dæmoniacos cognoscere potuerunt, uti exemplum Pauli declarat
Act. 16, 16. sed hæc dona singularia, Evangelio jam satis confirmato,
expirârunt. Refert quidem Tyræus p. 2. c. 26. n. 12. Pag. 72. quòd
Parthenius & Theodorus Archimandrita ex divinitus illis facta re-
velatione obsessos quosdam manifestaverint; sed non satis id probat.
ait Dannhaverus l. c. p. 3. quia autores ab eo allegati sunt dubiæ au-
toritatis.*

XII. 2. *Ex summâ Diaboli calliditate.* Est enim *μυρίοτερον* &
ideoque multis modis hominibus imponere & fucum vendere cal-
let. 3. *Ex hominum quorundam perversitate,* qui se obsessos fatentur,
cum à Satana non possideantur, uti Martha illa, de qua prolixè
Thuanus lib. 12. in initio, & Danhav. p. 6. Conf. VVierum lib. 3. de
præst. Dæm. c. 20, 21. & 22. in quibus aliquot simulatæ obsessionis
exempla recenset. Interim tamen dantur quadam notæ, ex quibus
obsessionem Satanae possumus perspicere: quòd si enim omnibus
signis destituti essemus, nemo obsessus certò esset dicendus, nullum
etiam remedium obsessis, cum laterent, posset adhiberi. Multa
autem à multis recensentur signa. Bald. cas. consc. l. 3. c. 3. cas. 1. pag.
617. Tyræus par. l. c. 11. c. 17. c. 23. & c. Jacob. Rex Angliæ in Dæmo-
nolog.

nolog. l. 3. c. 4. Nos præcipua delibantes, in secundaria & primaria ea distribuemus. Ex illis aliququaliter; ex his verò magis probabilius obsessio colligi potest.

QUÆSTIO IV.

Quænam sint signa secundaria obsessionis?

XIII. **M**ulta quidem conglomerari possent; præprimis verò obsessio innotescit, 1. *Ex horrenda vociferatione.* Alti enim plerumque clamores & homini insolitos ululatus edunt obsessi, ut Marc. 5. 5. videre licet. Sic ex latrata deprehensi sunt utriusque sexus multi obsessi in Alexandria, scribit Tyræus l. c. cap. 25. p. 66. ex Sigeberto circa annum Domini 517. Sed iste clamor non debet proficisci ex morbo aliquo vel alio casu. 2. *Ex Dei blasphematione & proximi cavillatione,* quando ab illis non afflicti magnis blasphemis onerant Deum, & plaustra convitiis in proximum infontem vomunt, quem tamen antehac magni fecerunt. Non obsessi quandoque id etiam quidem agunt, Apoc. 16. 11. sed afflicti & laxi ex indignatione & malitia. Epileptici autem ex rationis perturbatione & mentis infirmitate illud perficiunt. 3. *Ex gestuum deformatione.* Solent enim nonnunquam mores ferocinos induere, vultum teterimè pervertere, oculos horribiliter circumagere, immodicos cachinnos tollere, dentibus stridere, & spumare, vestes abjicere & lacerare, ut constet ex Marc. 9. 20. Luc. 8. 16. Furibundi & agroti idem quandoque faciunt: sed morbus est in causa. 4. *Ex inhumana comestatione,* cum præter naturam cibum capiunt. Theodor. in hist. sanct. patrum Sect. XIII. meminit cujusdam, qui quamvis in die 30 gallinas comederet, appetitionem tamen, ut ipse loquitur, non poterat extinguere satietate, curatus parvâ aliquâ gallinæ particula fuit contentus. Alius trium modiorum panes comedere poterat. Palladius in vita Abbatis Macarii sect. 17. Tyræus l. c. p. 67. Habentur quidem multi belluones, qui non sine stupore spectantium vorant & potant, sed consuetudine hunc morem acquisiverunt. 5. *Ex corporum excruciatione.* Nam infernalis tortor eorum corpus solet aliquando extendere,

tendere, contrahere, proficere, trudere, ad lapides & ligna appellere, in ignem & aquam deicere, aliisque modis affligere, ut, patet ex Matt. 15, 22. Marc. 9, 18, 20. Cruciatibus ingentes etiam non obsessi quandoque sustinent; sed à morbo vel vulnere oriuntur. Medicorum itaque erit, ut constitutionem corporis probe in dignoscendis dæmoniacis perpendant. 6. *Ex insolita corporis & proximorum lesione.* Plerumque siquidem seiplos macerant & vulnerant, alios autem minis terrefaciunt, verberibus afficiunt, lapidibus, petunt, aliaque ratione damnum iis inferunt, ut constat ex Matth. 8, 28. Marc. 5, 5. Act. 19, 26. Insani & ægroti hoc etiam affectu nonnunquam laborant; sed rationis perturbatio & animi indignatio in causa sunt. 7. *Ex admiranda corporum motione.* Mirificè enim saltant, loca sine mediis inaccessa adscendunt, & quàm celerrimè currunt, cum tamen id nec ante nec post paroxysmum præstare valeant. *Vetula quaedam Mediolanensis à Satana obsessa, dixit, se quoscunque equos cursu sequare posse, eorumque dorsa sine adminiculo transilire.* Tyræus l. c. p. 67. *Nuxto-Edætax* quicquid faciunt, per media agunt. Cursores naturæ potentiâ ad cursum feruntur, & consuetudine proficiunt. 8. *Ex rerum gestarum oblivione,* cum nihil eorum meminerunt, quæ dixerunt atque fecerunt, Rationis enim usa recuperato corporis quidem languedinem sentiunt, quid autem eis acciderit, nesciunt. Naturaliter quidem fieri potest, ut alicujus rei obliviscamur; sed obsessorum oblivio à naturali oblivione admodum dissentit, cum sæpius recurat, & in memorabilibus rebus accidat. De his signis pronunciamus, quod quidem non sint omninò certa, indubitata & infallibilia, quia etiam extrinsecus ex parte produci possunt, *sic tamen non ex infirmitate, aliave causa naturali, aut tristitia aliqua profecta esse constaret; nec hominum quorundam nocendi libidine allata; multa quoque ex iis concurrerent, haud leve argumentum subministrabunt;* ait Tyræus l. cit. c. 25. p. 68. Cautio igitur adhibenda.

QUÆSTIO V.

Quot sint signa primaria?

XIV. **P**Ræcipuè tria: 1. *est abditarum rerum notitia.* Haud raro ob-

Nesci solent, quamvis rudes & indocti fuerint, de reconditis rebus, quæ tamen caprum & notitiam obsessorum fugiunt, sermonem intricare, & futura prædicere, quæque in-procul disitis locis gerantur, exponere. Ut dæmoniacus ille sylvestris Marc. 5. v. 7. & Pythoïssa Philippensis Act. 16. 16. *Philippus in epistolis memorat, mulierem dæmoniacam à se in Saxonia visam, quæ nesciens legere & scribere, Græcè tamen & Latinè locuta, bellum Saxonie prædixerit his verbis: ἔσται ἀνάγκη ὅτι τῆς γῆς καὶ ὁρεῶν ἐν τῷ λαῷ τὰ τῶ* Bald. cas. l. c. pag. 619. 2. Gerh. Isag. p. 612. Sic juvenis Fernelianus secreta Medicorum pandit, de quo supra th. II. Quod autem ista non à bono, sed à malo Spiritu proferantur, ex spurcissimis sermonibus & nefariis actibus, quæ insuper ab illo Spiritu eruantur & perpetrantur, apparet. A divinatoribus multa quidem arcana revelantur: sed illa ab adstante non obsidente Spiritu proferuntur: vates enim loquuntur, quæ à dæmonio acceperūt, ideoque intelligunt, quæ prædicunt & annuntiant. Familiarium Spirituum instructio à revelatione obsessorum facile potest secerni, cum dolorem adjunctum non habeat, & volentibus eveniat Divinatio, quæ fit in agone, longè etiam ab istâ differt. Circumstantiis itaque pensculatis Dæmoniacorum notitia ab aliorum cognitione distingui potest.

XV. 2. *Linguarum scientia.* In more enim positum habet Satan, ut per obsessos variis loquatur linguis. Magnum idcirco obsessionis indicium præbet, cum homines ex improvise peregrinâ utuntur linguâ, quam nec didicerunt nec audiverunt unquam, quâ etiam discedentibus Dæmonibus non amplius norunt, nec quid protulerint, meminerunt. Ex eo innotuit mulier Saxonica & juvenis Fernelianus, de quibus antea. *Ad eundem modum deprehensus est olim ille Demon, qui Candidatum quendam Constantii Imperatoris possedit, quamvis enim Candidatus Francam tantum & Latinam nosset, tamen B. Hilarioni Syro, quô ipsum rogabat, sermone respondebat; & quidem ita perfecte, ut non stridor, non adspiratio, non idioma aliquod Palestini deesset eloqvii.* Hier. in vita Hilarionis. Tyr. p. 1. c. 24. p. 65. V. V. V. de præst. Dæm. l. 4. c. 28, p. 473. Apostoli quidem variis linguis etiam fuere instructi, at visibiliter Spiritu Sancto sunt donati. Act. 2, 2.

liberè loquebantur, & quæ pronunciabant, intelligebant, quod de
obsessis neutiquam potest. *Quocirca*, inquit Tyræus l. all. non est
audiendus *Lev. Lemnius*, qui l. 2. c. 2. de occ. nat. mir. p. 141 docet, me-
lancholicos & phreneticos ex frequentissima humorum ebullitione, & ve-
bementi Spirituum exagitatione posse variis linguis loqui; quamvis ante
earum nullam norint. *Quomodo* quæso, in ore est, quod non fuit in men-
te, & in mente quomodo erit, quod non fuit aliquando in sensu? Sed objicis,
Dæmones id extrinsecus efficere posse, sicut Organædus vocale
reddit organum, licet organo non insit. *Danhiav. l. c. p. 134.* Dici-
mus enim 1. nos non immeritò id in dubium vocare, quia Satanas
homine invito linguam movere nequit, nisi eam occupaverit.
Linguam autem quando occupat, possidet hominem. Sicut enim
is pro dæmoniacò ab Evangelistis habetur, cui Satan linguam con-
strinxerat, Marc. 5. 12. ita etiam obsessus censerì poterit, per quem
Diabolus loquitur, cum primis si alia quoque signa appareant. 2.
Posito, dæmones id posse perficere, nunquam tamen id factum le-
gimus. Quod autem per obsessos peregrino idiomate sint locuti,
ex allegatis exemplis perspicitur.

XVI. 3. *Præternaturalis potentia.* Sæpè numerò enim acci-
dit, ut tantas operas possint perficere, tanta onera sustinere, quæ
tamen humani corporis vires longè superant. Sic ille dæmonia-
cus catenis ligari non poterat, quoniam sæpè compedibus & ca-
tenis victus dirupisset catenas, & compedes comminisset, &
nemo poterat eum domare. Marc. 5. 2. 3. pertinet huc robur illi-
us, qui à Nicetio, Trevirensi Episcopo, jussus ex templo extrahi, columnam
istam alidè apprehendit, ut loco moveri non potuerit, etiam à decem viris
Greg. in vita Nicetii. Baronius tom. 7. ad ann. 530. fol. 146. Tyr.
l. c. p. 67. & 102. Habentur quidem multi viri robustissimi, ut
Simson, Hercules, Milo, Maximinus, C. Junius &c. Sed illud robur
per naturam habuerunt cum recto rationis judicio, idque pau-
latim crescentibus annis. ~~Æ~~crevit, excepto unico Simsone, qui di-
vinitus singulari corporis robore fuit armatus. Obsessi autem
plerumque infirmis sunt lateribus à natura: at insperatò adeò ro-
borantur, ut robustissimo homine fiant robustiores. Nil dicam
de infantibus & pueris, quorum vires Parchumenses experiuntur.

De

De his signis pronunciamus, quòd satis certa sint ad obsessionem probabiliter evincendam, cum primis quando & alia accedunt. Nec refert, quòd etiam extrinsecus produci à Satanà possint; aut enim raro, aut nunquam id contingit. Interim in iudicio de Dæmoniacis magna requiritur cautio; omnium autem maximè circumstantiæ probè sunt observandæ, ne maniam pro obsessione venditemus, quia magna hic datur convenientia; constitutione verò corporum cognitâ ex datis signis iudicium fieri potest. Cavendum præterea est, ne ex horum signorum absentia obsessionem negemus, v.g. Hic non pandit arcana, non loquitur variis linguis, non pollet præternaturalibus viribus. E. pro obfesso non est habendus; Diabolus enim se abscondere potest, & nullum indicium suæ præsentia præbere, quanquam id rarissimè faciat. Quicunque igitur dæmonia in obfessis explorare tenentur, complexionem hominis inquirent, circumstantias probè perpendant, & maturum ex datis signis iudicium ferant.

QUÆSTIO VI.

Quid de Pontificiorum peculiaribus signis statuendum?

XVII. **E**A hoc ordine recenset Tyræus par. 1. cap. 26. p. 69. *Sacrarum* Ererum hic duplex est usus. Nunc obfessi quædam jubentur proferre: nunc quædam ipsis silentibus adhibentur. Prioris generis sunt invocatio divini nominis, aut alicujus pie orationis recitatio. Si enim hæc facere recusent, de Dæmonio non sine causâ suspecti sunt. Posterioris generis sunt, si concutiantur, terreantur, impatientes fiant, blasphement, postquam Sanctorum ipsis adhibita reliquiæ: aut ad more cerea imagines, quas Agnus Dei dicimus: aut crux fuerit fronti impressa: aut aqua lustrali aspersi: aut sanctissimum Christi corpus, in Eucharistie Sacramento exhibitum: aut etiam in aurem ipsorum peregrinâ, quam non norunt, linguâ, insusurratum fuerit illud: Deum, qui te genuit, dereliquisti; & oblitus es Domini Creatoris tui: Denique, si exorcismos intentas, vel non ferant, vel impatienter ferant. His & similibus signis Dæmones prodi dubium nullum est.

XVIII.

XVIII. Sed Diabolus 1. non rogatus solet nomen Dei & Christi usurpare, & Psalmos cantare, aliaq; pietatis munia obire, ut Deum hominibus suspectum reddat, sequē eorum mentibus insinuet. Sic Christum confitentur, Dæmones. Marc. 1, 24. Luc. 8, 28. ut hominibus ansam dent cogitandi, ac si à partibus eorum staret, sicuti Pharisei autumabant. Narrat ipse Tyræus l. c. p. 65. Dæmonem quendam Cantica Canticorum à principio usque ad finem per os puellæ cujusdm edidisse. Reduci hic etiam potest historia, quam Danhaverus. l. c. p. 135. de quodam puero recenset, qui nullo modo adduci potuit, ut orationem dominicam oraret, & Symbolum Apostolicum recitaret, qui tamen non fuit obsessus. 2. reliquias Sanctorū non fugit Dæmon, neque fastidit, quia sanctissimum contrectavit. Matt. 4, 5. ac cum Michaële Archangelo de corpore Moysis dimicavit Jud, ep. v. 9. 3. Agnum Dei, cruces fronti impressas, & aquam lustralem nihili facit Diabolus, qui sunt inventa hominum. 4. Sacramentum Eucharistiæ, vel potius panem eucharisticum non curat Satanas, quia extra usum sacramentalem purus panis est, ut alibi docetur. 5. Verba illa insusurrata non terrent Dæmones, quia jam ante noverunt, se esse Spiritus maledictos. 6. Exorcismus nos meritò rejicimus, ut sectione secundā demonstrabimus, ideoque ex illo præsentiam & inhabitationem Spirituum malignorum cognoscere non licet. Sæpissimè tamen ex istis signis Dæmones in Papatu produntur. Falli enim se patitur Diabolus, ut fallat, non ista signa horrescit, sed ut pontificios in superstitione confirmet, intendit. Sanctorum contactus, de quo Tyræus p. 70. n. 5. quàm detestabilis sit Dæmonibus, exemplum Christi Matth. 4. 8. abundè declarat.

QUÆSTIO VII.

An suum in corpora humana ingressum externis quibusdam argumentis Spiritus nequam prænuncient & significant ?

XIX. Sacerdotale Rōmanorum cap. 1. de Exorcismis quatuor enumerat

merat signa; Docet enim, interdum Dæmones se sub forma externa
quæ terrorem incutiat, exhibere, priusquam homines invadant: inter-
dum vento & tumultu præsentiam suam testari: tertio prius affligere, vel
aliquâ molestiâ afficere: quarto, aliquando somniantibus mirabiles rerum
species ingerere. Verum hæc signa non sunt perpetua, & raro cre-
niunt, modò indicat, modo occultat suum ingressum Diabolus, i-
deoque nihil hic certi determinare licet. Benè Tyræus: *Quem-*
admodum necesse non est, ut sub spectabili forma in hominibus sint: ita ne-
cesse non est, ut, si homines ingredi velint, id externis argumentis signifi-
cent. Plura qui desiderat, ipsum Tyræum adire potest, qui p. r. c. ii.
fugus id persequitur, ubi etiam causas indicat, ob quas nonnunquâ
signis aliquibus suum ingressum Satanas declaret, nim. ut hæc in par-
te Deum, qui tonitru, & Angelos, qui terræ motu suam præsentiam
significaverunt, Exod. 20. 18. 1. Reg. 19, 11. Matth. 28. 2. imitetur. Deinde
ut hominem perturbet, & eò magis discruciet. Conf. Bald. cas. confes-
s. l. 3. c. 3. casu. 1. pag. 618.

QUÆSTIO VIII.

Per quam partem corporis Dæmones ingrediantur homines?

XX. **P**ER os ingredi probari quidem posset 1. Ex ingressu, quia una
cum cibo & potu, in quo latuerant, hausti sunt. Gregorius,
quisquis ille tandem sit, lib. 1. Dial. c. 4. hoc exemplum suppeditat:
Quadam die, inquit, una Dei famula hortum ingressa est; quæ lactucam
conspiciens concupivit, eamque signo Crucis benedicere oblita, avidè mo-
mordit, sed arrepta à Diabolo protinus cecidit. Cumque vexaretur, eidem
patri Equitio (Abbas hic erat provincie Valeria) sub celeritate nun-
ciatum est: ut veniret concitus, & orando succurreret. Moxque hortum
idem Pater, ut ingressus est, cepit ex ore ejus, quasi satisfaciens, ipse, qui
hanc arripuerat, Diabolus clamare dicens: Ego quid feci? Ego quid feci?
Sede-

Sedebam ibi super lactucam: venit illa, & momordit me. Cui cum gravi indignatione vir Dei precepit, ut discederet, & locum in omnipotentis Dei famula non haberet, qui protinus abscescit, nec eam ultra contingere prevaluit. Hinc profectam volunt consuetudinem, scribit Tyræus p.22. quæ apud Catholicos est, ut, quando oscitent, os signo Crucis muniant: quasi hac crucifiguratione Daemonum in corpora ingressus probibeatur. 2. Ex egressu, quia sæpè sub muscæ aut aranæ specie egressi sunt ex ore. Sed quia Diabolus Spiritus est, certo ostio non indiget, cum totum corpus hominis ei sit pervium. Rectè igitur censet Dannhaverus l.c.p.81 curiosum esse disputare, an per os, an per aliud organum ingrediatur Sætan. Curiosum etiam est querere, in quâ corporis parte Dæmones latitent: Spiritus enim sunt, nec locò circumscribuntur.

QUÆSTIO IX.

Quorum ordinum sint Dæmones, qui possident homines?

XXI. *Ordinem esse inter Diaboles, ex Scriptura satis quidem colligi potest; quis autem verus ordo sit, ignoramus, ideoque nemo scire potest, ex quibus ordinibus sint, qui hominum corpora ingressi sunt. Et licet Tyræus c.12.p.32. rectè scribat, quòd promiscue ex omnibus ordinibus humana corpora ingrediantur, in eo tamen hallucinatur, quòd haud falli multum dicit, qui superiorum ordinum Spiritus ex duobus deprehendi posse existimant: ex magnitudine gravitateque malorum, quæ obsessis inferunt; & prætereà ex difficultate, quam in ipsis ex hominum corporibus exigendis experiuntur Exorcistæ. Nam ipse fatetur, vix in obsessis operationes notari posse, quas non minimus quisque Daemonum, si modò velit, & superioris potestate non probibeatur, perficere valeat. Deinde non superiores tantum difficulter domicilium suum relinquunt; sed etiam inferiores: & sicut non pro lubitu obsessos affligunt; ita nec pro lubu in hominibus commorantur; sed Deus ipsis certum terminum præscripsit. Ridiculum prætereà se præbet Tyræus, tantam efficaciam exorcismo attribuendo, ac si per eum cogi possent, ut ordines suos atque classes pòderent, cum tamen*

Sunt Spiritus mendaces, sicut agnoscit, & ad id fatendum nemini obligentur. Submittit se quidem nonnunquam Diabolus eorum execrationibus, ut in superstitione confirmetur; sed utrum verum fateatur, nemo non ignorat.

QUÆSTIO X

An plures Dæmones unum hominem possidere possint?

XXII. **V**tique: Illud enim clucescit, 1. *Ex Diabolorum natura*: nam quia Spiritus sunt, loco non continentur. *Ubi unus est, ibi mille esse possunt.* 2. *Ex sacra Scriptura.* Maria Magdalena à septem Dæmoniis fuit obsessa, Marc. 16, 9. Luc. 8, 2. Christus ait Luc. 11, 26. quòd Spiritus immundus septem socios soleat assumere, & pristinum domicilium repetere. Dæmoniacum Gadarenum legio Diabolorum, i. e. 6666. occupaverat. Marc. 5, 9. Testantur autem hoc ipso, quàm amicè in persequendis hominibus conspirent. Errat hic iterum Tyræus cap. 13. dum scribit, *Diabolos exorcismi vi non solum esse compellendos, ut dicant, quæ sint; sed etiam interrogandos, num plures, ne fallent.* Sed nos meritò detestamur istam curiositatem, scientes, quòd Diabolus tam callidus sit, ut prudentissimo cuiq; suis sermonibus imponere possit. Christus quidem id egit Marc. 5, 9. sed non ex curiositate & levitate, ut Pontificii, verum ut indicaret, partim hominis miseriam, partim suam potentiam. Danh. c. p. 26.

QUÆSTIO XI

Utrum ex pluralitate Spirituum obsidentium tormenta in homine obsesso crescant?

XXIII. **L**icet Diabolus mille modis hominem affligere possit, interim probabiliter asseri potest, quòd maior sit Spirituum malignorum copia; quòd eò maior reddatur hominis miseria, sicut id colligi potest 1. *Ex Diabolorum intentione*: Ideò enim ingrediuntur, non ut inhabitent, sed ut incommodent. 2. *Ex demoniaci cujusdam afflictione*, qui à legione Spirituum malignorum obsessus quàm miserrimè vexabatur. Quo pacto autem id agant singuli, homini nolle.

nolle non datur. Vid. Tyrens c. 14. p. 35. qui aliquot modos enumerat.

QUÆSTIO XII.

A Quibus immittantur Dæmones?

XXIV. Sicut omne malum pœnæ à Deo proficiscitur : etiam hoc malum à Deo immittitur : Deo enim reclamante, in suos ingredi non audent Diaboli. rectè ergo docet VVierus lib 3. de præst. dæm. c. 13. p. 342. *Diabolū nec ingredi corpora pro sua libidine aut arbitrio, nec immitti pro lubitu ab homine posse.* Immittuntur autem Spiritus maligni à Deo in corpora humana vel immediate vel mediate? Priori modo id contingit, quando Deus ex justo judicio Satanæ permittit, ut homines obsideat. Posteriori, cum ad eam rē hominū utitur ministerio. Homines illi aut boni aut mali sunt. Boni fuerunt Apostoli, quibus Deus specialiter indulgit, ut homines Satanæ tradere potuerint, sicut id ipsum demonstrat Pauli excommunicatio, 1. Cor. 3. 5. 1. Tim. 1. 30. Annumeratur hoc χείρμα specialibus primitivæ Ecclesiæ donis, quæ post sufficientem Evangelii confirmationem ceslarunt. Mali sunt veneficæ, malefici & imprecatores, quibus Deus ex justo consilio & judicio non rarè permittit, ut homines per suas incantationes & execrationes Diabolo obsidendos subjiciant, quemadmodum illud innotescit ex historia, experientia, & confessionis Satanæ atque veneficarum evidentia. Simon magus Dæmonibus subjicere solitus est eos, qui præstigiatores ipsum dixerunt. Tyrens cap. cap. 16. p. 4. 1. B. Hieronymus refert in vita Hilarii, arte Vatum Æsculapii demonem in virginem, quam juvenis quidam perditè amabat, fuisse immisum, & miris modis illam dementasse. Tyr. ib. Anno Christi 1581. vixit in urbe Annonajo regionis Vivaresiæ venefica quædam, quæ multis hominib9 multa dæmonia immisit. Delrio lib. 3. disq. part. 1. q. 4. s. 7. Danhav. l. c. p. 122. Casarius lib. 5. c. 26. scribit, iratum patrem filie quinquenni, cum lac comederet, imprecatū esse, ut una cum lacte Diabolum voraret. Vix verbum ille effatus, à Diabolo occupatur puella, miseramque servitutem usque ad maturam ætatem perpetitur. Similia duo idem Casarius habet lib. 5. c. 11. & 12. alterum de uxore, cui maritus : alterum de

C 3 filio

filio, cui pater Demonium imprecatus fuerat. Tyræus ib. p. 24. Sic mater quædam filio febricitanti & crebro potanti, ex impatien-
tiâ Demonium imprecatur, moxque ille à malo genio corripitur. Id. c. 31. p. 100. De Sagarum præterea beneficiis loquitur urbs Par-
chumum: fama enim certò refert, pueros istos veneficarum qua-
rundam præstigiis à Satanâ obsidione premi.

XXV. De Satanæ confessione hanc historiam ad-
scribemus ex Theodoretò. Cum quædam puella thalamo ad-
huc contineretur, & repente capisset vexari à Damone, accurrit
pater ad divinum hominem, (Macedonius is erat) orans, & vo-
ciferans, & postulans, ut curaretur filia: Is autem, precatus,
jussit, ut Damon statim abiret à puella. Hic Damon dicebat, se
eam non sua sponte fuisse ingressum, sed magnis coactum præsti-
giis, prodebat quoque nomen ejus, qui cõegerat, & amorem esse
causam incantationis. Hæc cùm audisset Pater, non tulit iræ
impetum, nec expectavit, ut curaretur puella; mox omnium Ma-
gistratum summum adit: accusat hominem. Rem negabat, &
accusationem nominabat calumniam. Hic autem non alium cita-
bat testem, quàm ipsum Demonem, qui minister fuerat incanta-
tionis, orabatque judicem, curreret ad virum divinum (Mace-
donium) atque ejus acciperet testimonium. Cùm verò is diceret,
non esse fas, nec justum, ut in loco monastica exercitationis habe-
retur quæstio, dixit pater puellæ, se in judicium ducturum Ma-
cedonium, & currens persuasit, & duxit: Magnus igitur Mace-
doniusungebatur officio Judicis, utens ea, quæ intus habitabat,
potestate: Jussit igitur Damoni, ut consuetum mitteret menda-
cium, & totam rei veritate narraret tragœdiam. Ille à maximâ
adactus necessitate, & virum ostendit, qui ei magicis carmini-
bus vim attulerat, & ancillam, per quam illa potio puellæ data
fuerat. Theodoretus cap. 13. in Macedonio. Tyr. p. 41. Sic dæ-
mon ex juveue illo Ferneliano confessus est, se injectum esse à quo-
dam, cujus nomē non efferret. Fernel. de abd. rer. caus. l. 2. c. 16. p. 373.
Et licet Diaboli hominibus sint superiores ratione naturæ, ratione
tamen gratiæ homines Diabolos superant. Deinde tenendum,
quòd Dæmones non coacte, sed sponte se hominibus submittant,
quia

quā ipsi volupe homines exagitare. Confer. Balduini casus conf.
lib. 3. c. 3. cal. 2. p. 623.

QUÆSTIO XIII.

Quid Diabolos moveat, ut ho-
mines ingrediantur & obsideant?

XXVI. **I**mpellit ipsos 1. *iusta Dei permissio*: Deo enim frena la-
xante, humana corpora invadunt, ut supra docuimus.
2. *Eorum erga nos indignatio*. Tantō siquidem odio erga nos ho-
mines sunt accensi, ut nos omnes extinctos velint. Nam cum non
possit Deum impetere Satan, in imaginem ejus evacuavit gravi-
tatem, velut si quis ^{malus} inatus imaginem petat, cum Regem non possit,
ait Basilus M. conc. in Lucitis p. 396. 3. *Regni sui amplificatio*. Hic
eorum scopus, ad quem in omni actione collimant, ut quā plures
in æternæ damnationis consortium trahant. Symbolum eorum est:
Utinam omnes pereant. Confer, quæ habet Tyræus l. c. cap. 15. p. 37.

QUÆSTIO XIV.

Cur infantes & pueri etiam
à Dæmone corripiantur?

XXVII. **P**ermittit nonnunquam Deus justissimus Satanæ crude-
lissimo, ut infantes & pueros quandoque ingredi & obsi-
dere possit, sicut id historia & experientia docet. Augustinus lib.
21. de C. D. c. 18. de hoc miserabili adpectu ita scribit: *Grave jugū,*
filios Adam à die exitus de ventre matris eorum, usque in diem sepultura
matrem omnium usque adeo impleri est necesse, ut ipsi parvuli, per lava-
crum regenerationis ab originali peccato, quo solū tenebantur vinculo,
jam soluti, multa patientes nonnulli incurssiones. Spirituum malignorum
patientur Cardanus l. 15. de variet. rerum. c. 16. narrat. in orphano-
trophio 70. puellas in una nocte fuisse Romæ obsessas. Plura alia
exempla recenset Tyræus cap. 31. p. 98. quæ in Papatu acciderunt.
sed

*filio, cui pater Demonium imprecatus fuerat. Tyræus ib. p. 24. Sic mater quædam filio febricitanti & crebro potanti, ex impatien-
tiâ Demonium imprecatur, moxque ille à malo genio corripitur. Id. c. 31. p. 100. De Sagarum præterea beneficiis loquitur urbs Par-
chumum: fama enim certò refert, pueros istos veneficarum qua-
rundam præstigiis à Satanâ obsidione premi.*

XXV. De Satanæ confessione hanc historiam ad-
scribemus ex Theodoretò. *Cum quædam puella thalamo ad-
huc contineretur, & repente capisset vexari à Demone, accurrit
pater ad divinum hominem, (Macedonium is erat) orans, & vo-
ciferans, & postulans, ut curaretur filia. Is autem, precatus,
jussit, ut Demon statim abiret à puella. Hic Demon dicebat, se
eam non sua sponte fuisse ingressum, sed magnis coactum præsti-
giis, prodebat quoque nomen ejus, qui cõegerat, & amorem esse
causam incantationis. Hæc cum audisset Pater, non tulit ira
impetum, nec expectavit, ut curaretur puella; mox omnium Ma-
gistratum summum adit: accusat hominem. Rem negabat, &
accusationem nominabat calumniam. Hic autem non alium cita-
bat testem, quàm ipsum Demonem, qui minister fuerat incanta-
tionis, orabatque judicem, curreret ad virum divinum (Mace-
donium) atque ejus acciperet testimonium. Cum verò is diceret,
non esse fas, nec justum, ut in loco monastica exercitationis habe-
retur questio, dixit pater puella, se in judicium ducturum Ma-
cedonium, & currens persuasit, & duxit: Magnus igitur Mace-
donius fungebatur officio Judicis, utens ea, quæ intus habitabat,
potestate: Jussit igitur Damoni, ut consuetum mitteret menda-
cium, & totam rei veritate narraret tragediam. Ille à maximâ
adactus necessitate, & virum ostendit, qui ei magicis carmini-
bus vim attulerat, & ancillam, per quam illa potio puellæ data
fuerat. Theodoretus cap. 13. in Macedonio. Tyr. p. 41. Sic dæ-
mon ex juvene illo Ferneliano confessus est, se injectum esse à quo-
dam, cujus nomē non efferret. Fernel. de abd. rer. caus. l. 2. c. 16. p. 373.
Et licet Diaboli hominibus sint superiores ratione naturæ, ratione
tamen gratiæ homines Diabolos superant. Deinde tenendum,
quòd Dæmones non coactè, sed sponte se hominibus submittant,
quia*

quā ipsi volupe homines exagitare. Confer. Balduini casus conse.
lib. 3. c. 3. cal. 2. p. 623.

QUÆSTIO XIII.

Quid Diabolos moveat, ut homines ingrediantur & obsideant?

XXVI. **I**mpellit ipsos 1. *Iusta Dei permissio*: Deo enim frena laxante, humana corpora invadunt, ut supra docuimus. 2. *Eorum erga nos indignatio*. Tantō siquidem odiō erga nos homines sunt accensi, ut nos omnes extinctos velint. Nam cum non possit Deum impetere Satan, in imaginem ejus evacuavit gravitatem, velut si quis ^{malus} inatus imaginem petat, cum Regem non possit, ait Basilus M. conc. in Eucitis p. 96. 3. *Regni sui amplificatio*. Hic eorum scopus, ad quem in omni actione collimant, ut quā plures in æternæ damnationis consortium trahant. Symbolum eorum est: *Utinam omnes pereant*. Confer, quæ habet Tyræus l. c. cap. 15. p. 37.

QUÆSTIO XIV.

Cur infantes & pueri etiam à Dæmone corripiantur?

XXVII. **P**ermitte nonnunquam Deus justissimus Satanæ crudelissimo, ut infantes & pneros quandoque ingredi & obsidere possit, sicut id historia & experientia docet. Augustinus lib. 21. de C. D. c. 18. de hoc miserabili aspectu ita scribit: *Grave jugiter, filios Adam à die exitus de ventre matris eorum, usque in diem sepultura matrem omnium usque adeo impleri est necesse, ut ipsi parvuli, per lavacrum regenerationis ab originali peccato, quo solū tenebantur vinculo, jam soluti, multa patientes nonnulli incursiones Spirituum malignorum patiantur* Cardanus l. 15. de variet. rerum c. 16. narrat. in orphano-trophio 70. puellas in una nocte fuisse Romæ obsessas. Plura alia exempla recenset Tyræus cap. 31. p. 98. quæ in Papatu acciderunt. Sed

Sed quid de his dubiis exemplis solliciti sumus, cum evidentissimum & certissimum in sacro codice habeamus: Christo enim interroganti, quamdiu filius fuerit obsessus, Pater quidam respondit: *πάρη* *διόθεν* Marc. 9, 21. Quid liberis Parchumensibus evenerit, soli expostum est. Sed quare Deus tam laxè laxat habenas Satanae, ut nequidem infantibus & pueris parcat? Augustinus lib. 22. de Civ. D. c. 22. ait, hoc fieri, ut vitæ præsentis miseria, & futuræ vitæ lætitia indicetur. Hieronymus silentium hic imperat in ep. ad Paulam de dormitione Blesillæ *Quæ causa est, inquit, ut sæpe bimuli, trimulive, & a-bera materna lactantes, à Daemonio corripiantur? invisibilia hæc inscrutabili Altissimi judicio sunt relinquenda.* Tyræus l. c. p. 100. culpam parentibus confert, quorum bonasint liberi, in bonis autem, quæ quis male possidet, justè aliquem puniri posse Confer Delrio l. 3. disq. mag. p. 1. q. 7. s. 2. p. 429.

XXVIII. Nos dicimus, id à Deo permitti 1. *Ad gloriam & potentiam suam demonstrandam*, quæ potissimum ex conservatione istorum liberorum elucescit 2. *Ad sevitiam Diaboli indigitandam*: cum enim hic subterraneus Tamerlanus liberis non parcat, exindè facile colligere datur, quantò sit furore percitus, quantò odio sit inflammatus erga genus humanum, quam crudelem & ferocem animum habeat. 3. *Ad iram suam declarandam.* Nam judicium Domini à domo Dei incipit 1. Pet. 4, 17. Obsessi igitur liberi sint nobis specula divinæ indignationis, & suscitabula veræ conversionis.

QUÆSTIO XV.

An infantes irrogeniti pro obsessis sint habendi?

XXIX. Ita Calvinus genius nos propter Exorcismum criminari, nobisque istam absurdam opinionem affingere solet. Sed infantes irrogenitos non idè esse obsessos, apparet 1. *Ex signorum negatione*: nullas enim in iis veræ obsessionis notas reperimus, ideoque obsessione non premuntur. Sed objici potest, ex signorum absentia obsessionem non esse negandam, uti diximus th. 16. Verum Diabolus se rarissimè occultat; infantum autem irrogenitorum magna habetur copia. Ubi ergò plura dantur objecta, ibi ex signorum absentia obsessio potest removeri, præsertim cum & aliis

aliis rationibus id fieri possit. 2. *Ex vocis exorcismi explanatione* nam idcirco non adhibetur, ac si per eum ex infantibus Satan sic ejiciendus; sed ut vis peccati originalis significetur, & liberatio ab eâ per Christum indigetur. Aliud est obsidere, aliud in potestate habere; *Besitzen/und in Gewalt haben/ist nicht allzeit eins* / inquit Danhav. l. c. p. 80. Sic infantes non baptizati sub potestate Dæmonis quidem sunt, quia filii iræ à natura, Eph. 2. 3. sed à Satana non obsidentur. Pesima igitur vox Baronii est, infantes irregenitos, imò omnes baptizatos latentem arceptionem dæmonum pati, si intel- ligat, eos corporaliter esse à Satana obsessos, ad ana. 56. n. 12. Nam à propriis gregalibus refutatur. Vid. Tyræus l. c. cap. 18. p. 49.

QUÆSTIO XVI.

Num omnes Sagæ, malefici, &

divinatores à Dæmonibus obsideantur ?

XXXI. **S** Agas & maleficos extra torturam positos per se non esse à Satanâ obsessos patet 1. *Ex notarum absentia certâ* Non excruciantur Dæmone, non loquuntur variis linguis &c. 2. *Ex servitute Diaboli externâ.* Adstat sagis & exterius iis servitia præstat. 3. *Ex veneficarum penâ.* Si enim obsessi essent, magistratus eas non condemnaret ad ignem. In torturâ solent nonnunquam dormire nullosque dolores sentire; ast istud etiam per externa remedia à Spiritibus malignis perfici potest. Danhav. l. c. 146. Divinatorum duo genera constituit Tyræus: *Quidam enim inhabitantem habent Spiritum:* ut Pythonissa Philippensis, Act. 16. 16. & Sybillæ ethnica: *quidam verò assistentem seu familiarem* ut Pseudopropheta Achabii. Reg 22, 22. & alii. *Priores propriè ignota non cognoscunt, quamvis revelent. Posteriores multis modis Dæmonum opera percipiunt.* De prioribus affirmandū est, quòd sint obsessi, quoniâ in illis Spiritus malignus habitat, eosque molestiâ aliquâ afficit. Posteriores autem neutiquam inter obsessos sunt numerandi. Vid. Tyræus cap. 19. & 20. prolixius hac de re agit

QUÆSTIO XVII.

Utrum hæretici verè à Dæmonibus obsideantur ?

XXXI. **L** icet id de aliquibus possit affirmari, maxima tamen eorū
D
pars

pars à corporali obsessione est libera. Et quamquam à Satanâ edo-
 ceantur, exinde non statim obsessio corporalis est inferenda, cum
 id Diabolus per adfistentiam præstet: Nec obstat, quod primo-
 geniti Diaboli, ἐν διαβολῇ μέντοι, incarnati Dæmones &c. dicantur:
 fit enim id hyperbolicè ad fœditatem doctrinæ indicandam. Rectè
 quidem Tyræus cap. 21. p. 56. statuit: *Quamvis cum Diabolo communio-
 nem & consuetudinem habeant hæretici (inprimis ipsorum Duces & ca-
 pita) obsessi tamen nec possunt nec debent dici propterea, quod vera in i-
 psis signa, quæ obsessos produunt desiderantur.* Sed in eo falsimoniam argui
 potest, quod scribit, *Lutherum pluribus foliis persequi lib. de
 angul. Missa, quemadmodum Diabolus ad se venerit: se bono-
 rificè salutaverit: sibi argumenta plura quibus ad Missam, alia-
 que veteris discipline dogmata deferenda commotus sit, grandi
 & terribili voce proposuerit: impudentissimum enim hoc est
 mendacium.* Nam Lutherus illud expressè non exprimit, sed scribit,
 Satanam in corde cum ipso disputationem instituisse, quod vel ten-
 tatio vel aliqua meditatio fuit. 2. Posito, id Sathanam Luthero
 proposuisse, non statim ex eo sequitur: E. Lutheri doctrina est falsa.
 E. pactum habuit cum Diabolo. Spiritus callidissimus alio fine id
 egisset, ut sc. Lutherum vel à verâ doctrinâ abduceret, vel in de-
 sperationem adigeret. Ejusdem farinae est, quod de Maximiliano
 I. & Carolo V. scribit Tyræus, illum vid. in humeris Lutheri
 insidentem vidisse Diabolum; hunc verò eum non hominem, sed
 Diabolum, qui hominis personam induerit, in publico & solemni
 edicto appellasse; purum putum enim est figmentum, & nullo aucto-
 ritatis testimonio probari potest.

QUÆSTIO XVIII.

An Diabolus in obsessis tantum habitet

κατ' ἐνέργειαν vel & κατ' ὄσιν ?

XXXII. **P**RIUS asserit Autor libri de Eccl. dogmatibus c. 83. Nos
 posterius affirmamus, quod scilicet maligni Spiritus
 non modò κατ' ἐνέργειαν; sed etiam κατ' ὄσιν in obsessis habitent,
 ut illud probat diserta Christi adfertio, Luc. 11, 26. & Diabolorum
 ingressio & ejectio Matth. 12, 43. Luc. 11, 14. Sicut templa piorum sunt
 do-

domicilia Trinitatis & ipsius Sp. S. qui non tantum secundum dona, sed etiam nos in illis habitat. Joh. 14, 23. 1. Cor. 6, 16 ita quoque ex contrario obsessorum corpora sunt ex parte Demonum domicilia, ait Gerhardus in Isag. p. 610.

QUÆSTIO XIX.

Num sub spectabili forma hominibus insint Diaboli, & in qua corporis parte latitent?

XXXIII. Possunt quidem Dæmones corpusculum quoddam vel araneæ, vel formicæ, vel muscæ assumere, sed rarissime id faciunt, quia absque assumpto corpore vires suas exercere calent in obsessis. Hoc autem cum agunt, agunt id vel per singularem Dei dispensationem, ut præsentiam testentur, vel per malam intentionem, ut homines in superstitione confirmetur, quò fine sub visibili specie in exorcismis papisticis egredi solent. De certâ corporis parte, in quâ latitent dæmones, frustra quærimus: nam Diaboli sunt Spiritus, ideoque certò locò non concluduntur, sed modo aures, modò linguam, modò aliòs artus occupant. Disputat quidem Tyræus cap. 10. pag. 25. non sine ratione eos loqui qui in corde vel haud procul à corde, dæmones suas sedes plerumque habere arbitrantur; sed rem in medio relinquens nihil certi determinat.

QUÆSTIO XX.

Utrum semper habitent Diaboli in corporibus, vel num quandoq; recedant?

XXXIV. Sicut Diabolo in omnibus, ita etiam hic ei certi præscribuntur à Deo limites. Permittit Deus, ut semper maneat, manet; vult autem, ut quandoque recedat, recedit. Exemplum est puer obsessus, Luc. 9. 39.. Maximam vim hic infert veritati ex suo fabuloso Bredenbachio Tyræus c. 8. p. 21. Difficilius sit, scribit, ut ad tempus homines deserant maligni Spiritus, sed tamen fieri quandoque subjunctâ historiâ docemus. Quo die Martinus Lutherus ex hac vita discessit, Dæmoniaci, qui Gheole, (Brabantia oppidum est) plurimi erant & patrocinio S. Dymne, quodjam multi multis annis experti

erant) libertatem expectabant, omnes à Daemonibus liberati sunt & non ita multò post ab iisdem rursus occupati. Res hæc obscura non est. Si quidem postera die, cum miseros homines rursus crudeles Spiritus torquerent, interrogati; Ubi pridie delituisse? Responderunt, se mandato Principis sui, ad novi Prophetæ & fæclis cooperarii Lutheri funus evocatos fuisse, eidemq; interfuisse. Confirmavit banc rem Lutheri famulus, qui miserè morienti affuit, & cum per fenestram, auræ capiendæ gratia, aspiceret, non sine magno terrore vidit, non semel, plurimos teterrimos Spiritus, haud procul inde saltantes, choreas agentes. Confirmarunt corvi, qui Lutheri corpus, cum Islebio Wittenbergam deferretur, magno clamore comitati sunt. En testes egregios! Dæmoni enim fides adhiberi nequit, cum sit Spiritus mendax, Joh. 8, 44. Famulus, ut testis unicus, nec unquam certus, non est audiendus. Deut. 19, 15. præsertim cum fide dignioribus adversetur. Corvorum vox non est attendenda: Deut. 18, 10. Neque satis constat, an Lutheri funus corvi sint sicuti. Tyræus itaque valeat, & melius de Luthe- ro sentire discat.

QUÆSTIO XXI.

Quotuplicia sint mala quæ Diaboli obsessis inferunt?

XXXV. **M**ultiplicia variis enim modis eos torquent, ut exper-
tini norunt. Rationem autem subducentibus, & totū rei
negotium mentis acie percurrentibus quintuplicia potissimū se
offert mala. 1. *Est corporis excruciatio.* Nam vehementissimos
in corporibus doloribus excitant per contractionem & distractio-
nē per incurvationem & contorsionem, per allisionem & projectio-
nē corporis &c. Sic malè affligebat Satan Cananæ filiam, Matth.
15, 22. Sic puerum quendam ita discruciauit, ut in modum uteris
totum corpus intumesceret. Palladius in vita Macarii Tyr. c. 7. p.
19. 2. *Sensuum privatio.* Nam reddunt eos nonnunquam surdos &
excos, Matth. 12, 22. rabidos & furiosos. Sozomeus lib. 4. c. 15.
refert, quendam ita dementasse Dæmonem, ut omnes homines ho-
stes judicaret, gladiò igitur armatus orbem pervolitavit, & quos-
cunque obviam habuit, vulneravit. 3. *Formæ depravatio:* Os enim
& ocu-

& oculos totamque faciem sic immutant & deformant, ut non sine stupore & maximâ commiseratione intueri aliquis eos queat. Exemplum præbet puer obsessus Marc. 9. 18. 4. *Phantasia perturbatio*, ut se bestias putent, feles, canes, lupos &c. Sic demoniacus Gadarensis in montibus ut fera degebat, Marc. 5. 5. 3. *Propria trucidatio*; eodem enim, inquit Tyræus cap. 6. p. 16. *quandoque redigunt mortales, ut omnino sibi mortem consciscere videantur debere: neque id raro tentant, ut constat ex Marc. 9. v. 22.*

QUÆSTIO XXII.

An semper excrucient corpus obsessi ?

XXXVI. **P**ossent id quidem præstare Dæmones, sed Deo sic disponente, non faciunt, agit enim Satan, non quantum nititur sed quantum sinitur, ut Augustinus ait lib. II. de genes ad lit. cap. 22. Rectè Tyræus. c. 8. p. 20. *Deus non permittit, ut semper affligant. Sæpè ille justitiam suam misericordiâ temperat. Dum justus est; non obliviscitur misericordiæ. Adde, quod nec tanta hominum vires sint, ut continuas Dæmonum infestationes & molestias ferre valeant. Quid quod ipsi Spiritus non velint semper molesti esse, ne, scilicet, continuata vexatione vitam obsessorum abbrevient, & sedes suas, quod ægerrime faciunt, relinquere cogantur.*

QUÆSTIO XXIII.

Num animabus obsessorum

Diaboli possint incommodare ?

XXXVII. **A** nimas impias & impœnitentes licet Diabolus in infernum derrudat; pias & fideles tamen animas per se lædere nequit, quanquam respectu corporis & per accidens detrimentum quoddam temporale iis injungat. Ut enim dum corpora bene habent, haud pauca ad animas redundant emolumenta; ita afflictis & malè affectis corporibus sua etiam detrimenta sentiunt animæ: à pietatis enim exercitio retrahuntur & avocantur, maximè quando sensuum officio privantur. Vid. Tyræus p. 1. de Dæm. c. 4. p. 12.

QUÆSTIO XXIV.

Cur Deus obsessionem permittat ?

XXXVIII. Non permetteret Deus aliquod malum, nisi aliquid boni ex inde elicere posset, proinde nec Diabolo concederet, ut hominem obsideret, nisi summa Dei providentia ad bonum finem illud dirigere posset. Permittit autem obsessionem 1. *propter gloriae suae illustrationem*: Exinde enim elucescit *eius justitia*, quam valdè detestetur peccata; *misericordia*, quia multis parcat, nec simili poenâ afficit; *potentia*, cum metas metas Diabolo ponat, eumque elapso decreti tempore expellat. 2. *Propter Satanicae potentiae demonstrationem*, quæ ex nullâ re magis nobis innotescit quam ex obsessione. 3. *Propter fidei probationem*, sicut id Christus tacitè inquit, quando ex parente obsessi pueri quærit, num credat Marc. 9. v. 23. 4. *Propter vitæ emendationem*. Nam id quærit potissimum Deus, ut tyrannidem Diaboli perpendentes peccata fugiamus. 5. *Propter pietatis exercitationem*, ut diligenter & ardentè, frequenter & instanter oremus, aliâq; pietatis munia crebrius & cordatius præstemas. 6. *Propter justam peccatorum vindicationem*, quemadmodum illud ex incestuosi exemplo apparet, 1. Cor. 5, 5. Vid. Bald. cas. li all. cas. 7. pag. 633.

QUÆSTIO XIV.

An dæmoniaci ad sacram Synaxin percipiendam sint admittendi?

XXXIX. Ut non omnibus sacra Eucharistia est porrigenda; ita nec quovis tempore ad sacram Synaxin sunt admittendi. Rectè Tyræus cap. 28. p. 80. *Quamvis Obsessis Communionem sacram porrigi posse dicamus; non dicimus tamen omnibus porrigendam, sed nec quovis tempore, quibus alioqui permitti potest, porrigendam.* Obsessorum quidam sunt quos ab ineunte ætate Dæmones possiderunt, & molestare nunquam desierunt, qui præter externam hominis formam, vix quidquam hominis habent: hos, quia à bestiis non multum dixerimus differre, à communionē censemus arcendos. Adultorum est hic cibus. Postulat, ut nullus, nisi probatus, accedat. Quod cum in Obsessis desideretur, non judicamus ad dominicam mensam illos admittendos. Sunt alii, qui tantas molestias à Spiritibus non patiuntur; sed quandoque requiem habent, sibi interdum relinquuntur, sibi sunt presentes. Hi, quia

quia hunc cibum ab alio valent discernere, & ad eundem se cum reveren-
tia suscipiendum preparare, libere possunt ad ipsum cum fructu percipi-
endum accedere; veruntamen tunc temporis, quando Dæmones molesti
non sunt, nec ulla Sacramento irreverentia timetur. Hanc sententiam
roborat 1. *Rei necessitas*: Sunt enim Christiani, ergo ad sacram
Synaxin percipiendam obligantur, & quo majori periculo sunt ex-
positi, eò magis sanctæ Eucharistiæ usus ipsis est necessarius. 2. *Rei
utilitas*: Nam eò ipso in fide confirmantur, aliorumque bonorū
compotes fiunt. 3. *Rei antiquitas*: in primitiva namque Ecclesia
energumenis communio sacrosancta non fuit interdicta, si Casia-
no & Tyræo l. c. fides est adhibenda 4. *Obsessorum dignitas*: nam
extra paroxysmum constituti dignè se ad sacram Domini mensam
preparare, eamque usurpare possunt. Excluduntur autem hic 1.
Infideles non baptizati, de quibus loqui videtur Dionys. Areop. c.
3. de Eccles. Hier. 2. *Perpetuò à Satanâ divexati*, quia digna præpa-
ratio in illis locum non habet. 3. *Peccatore obstatinati*, cum sine pœ-
nitentia vivant, & de admissis non doleant. Con. Cas. consc. Bald. l.
c. cas. 5. p. 630.

QUÆSTIO XXVI.

An convitia & scelera ab obfes-
sis eructata & perpetrata obsessis imputari possint,
& propterea sint puniendi ?

XL. **A**ctiones Dæmoniacorū sunt duplicis generis, quædam Dia-
bolus in ipsis & per ipsos operatur; quædam verò obsessi
per se efficiunt. Ad primum genus pertinent omnes sermones, a-
ctiones & dolores, quos Dæmoniaci effutire, subire & sustinere
coguntur in paroxismo. Ad posterius spectant actiones natura-
les & liberæ, quæ ante & post paroxysmum à Dæmoniacis fiunt.
Propter convitia igitur & scelera, quæ Diabolus in paroxismis per
obsessos eructat & patrat, nequaquam Dæmoniaci sunt castigandi
& puniendi, quia ipsis adscribi nequeunt. Sicut enim gladiis non
potest imputari, quod homines interficiantur; ita nec Obsessis,
quod Spiritus maligni per eorum linguam blasphemias atque
convitia effutiant, & scelera atque flagitia per eorum manus
cate-

ceterosque artus committant. *Hæc causa est, inquit Tyræus p. 74. ut ad damna resarcienda non teneantur obsessi, si qua per illos allati sunt. Sicuti non ipsi sunt, qui peccant: ita nec ipsi damna afferunt, aut corporibus aut fortune. Quod si qui ad damnorum restitutionem, quæ per obsessos afferuntur, tenentur; illi tenentur, ad quos Obsessorum cura quovis modo spectabit, & quorum negligentia (quam cavere poterant & debebant) damna allata sunt. Hæc denique causa est, cur de obsessis supplicia non sumantur, quamvis maxima per ipsos committantur flagitia &c. Longè autem diversa est ratio, cum ante vel post paroxysmum contumeliosos & flagitiosos se præbent: licet enim Satanas calcar addat; non sine tamen voluptate & voluntate peccant. In his ergò non magis quam non obsessi, à culpâ & pœnâ sunt excludendi. Singularis tamen cautio & prudentia in Obsessis castigandis est adhibenda. Cum enim sint miserrimæ conditiones homines, ad vivum omnia resecare non debemus. Atque sic discernendæ sunt actiones Diaboli ab actionibus humanis ne incauti Dæmonibus tribuamus, quæ hominum & hominibus, quæ dæmonum sunt. Toleranda justineamus. & castiganda puniamus. Confer Cas. Consc. Bald. l. c. cas. 3. p. 627.*

QUÆSTIO XXVII.

Utrum licitum sit, ex Diabolis per obsessos aliquid exquirere?

XLI. Plerique Pontificii solent esse Diabolorum discipuli, hinc per quam multa ex dæmonibus per obsessum solent expiscari, ut ex mendacii patre verum exsculpant. Thuanus tom. V. lib. 132. hist. ad annum Christi 1604. p. 136. memorat de Petro Cottone, quod Anno 1604. obsessam quandam Parisiensem de multis sit percontatus, & inter cætera etiam de clarissimo Scripturæ dicto, quo Purgatorium & invocatio Sanctorum possit demonstrari. Svadet etiam Tyræus p. 33. & 35. ut ex dæmonibus discamus, quorum sint ordinum, & quot eorum hominem obsideant. Sed nos ab ista curiositate avocat, 1. Indignationis divinæ gravitas, quam ex Scriptura perspicere possumus 2. Reg. 1, 3. Es. 8, 19. 2. Periculi gravitas: Eva enim cum colloquium cum Satanâ institueret, seducebatur, Genes. 3, 2.

nes. 3. 2. 6. Pontificii à Dei verbo abducuntur &c. 3. *Diaboli falsitas & calliditas*: vera namque non loquitur, cum sit mendacii parens, Joh. 8, 44. Et licet nonnunquam vera proferre videatur, eo fine id agit, ut hominibus imponat, & in errores eos deducat. De Christo Satanam interrogante lege thesin 20. V. Dannhav. l. c. p. 20. &c.

QUÆSTIO XXVIII.

Num omnia sint credenda,

quæ Dæmones per Obsessos proloquuntur?

XLII. **R** Arò Diabolus in Obsessis mutus est, sed nunc vindictam Dei prædicat, nunc peccata hominum reprehendit, nunc vitia antehac commissa adstantibus objicit, nunc alia ex ore Obsessorum proloquitur. Sed ut non omnia vera sunt; ita nec omnia credenda, quæ à Satana proferuntur. Pia anima verbo Dei instructa bonæ conscientie clypeo se munit, & conciones atque cavillationes Satanae flocci facit, haud ignara, quòd Deus ad verbi sui prædicationem Diaboli ministerio non utatur. Marc. 1, 24.

QUÆSTIO XXIX.

An obsessi in obsessione de-

centes possint salvari?

XLIII. **D**E piis & fidelibus nullum est dubium. De impiis ait Isidorus lib. 3. de S. B. c. 5. *Quidam, quia non corriguntur, immundis Spiritibus ad vexandum traduntur, ut Dæmones arripiendi eos habeant potestatem, terroribusq; eorum afflicti humiliantur & pœniteant & salventur.* Confirmat illud exemplum incestuosi 1. Corinth. 5. 5. Quando ergò impii peccata agnoscunt, & in Christum verè credunt, inque verà fide usque ad finem vitæ persistunt, utique salvi fiunt, quia obsessio corporalis eorum saluti non potest obesse: cum sit castigatio corporalis, & ad salutem promovendam à Deo permittatur. In quibus autem nulla resipiscentiæ signa conspiciuntur, istos meritò juxta verbi divini pronunciatum aeternæ damnationi adjudicamus. Conf. Bald. Cal. Consc. l. 3. c. 3. cal. 4. p. 618. b. itemque Tyræum cap. 28. p. 77.

Corollari loco hic quærimus, an Saul & Nebucadnezar fuerint à Spiritibus malignis obsessi ?

XLIV. **T**yræus c. 29. p. 86. testatur, gravissimorum autorum esse sententiam, quod Saul verè fuerit obsessus. Et c. 48. pag. 177 Theodoretum, Gregorium, Abulensem, Lyranum & Vallesium adducit, ut patronos hujus sententiæ. His autoribus fretus putat, in dubium non esse vocandum, Saulem verè à Demonio obsessum fuisse p. 177. n. 9. De Rege Nebucadnezare idem affirmat c. 29. p. 86. ita enim scribit : Sententiâ B. Hieronymi est in Daniele, atque Epiphaniî in vita Danielis, Assyriorum Regem Nabuchodonosor à Demonibus obsessum fuisse. Nec displicet sententiâ, quoniam non parva obsessi hominis exhibuit indicia, Hanc opinionem ex parte Saulis stabilire videtur, quòd dicitur 1. Sam. 16, 14. Spiritum Domini à Saule recessisse, & Spiritum malum à Domino eum admodum perturbasse: Sicut enim Spiritus bonus Regi adfuit; ita quoq; Spiritus malignus ei adfuisse videtur, videlicet per inhabitationem. Deinde quia v. 23. legitur, Spiritum malum à Saule recessisse. Et denique quod 1. Sam. 18, 10. commemoratur, eundem Spiritum irruisse in Regem. Ad obsessionem Nebucadnezaris confirmandam afferri potest ejus belluina vita, quòd gramen, ut bos, comederit, & sub cælo, ut fera, vixerit. Sed Sopranes in comm. ad 1. Sam. p. 43. hanc Tyræi sententiam de Saule rejicit, scribens: Abulensis, Lyranus & alii clarè affirmant, Saulem verè ab hoc die fuisse energumenum & arreptitium. Quod omnino falsum puto. Vexatum enim tantum existimo à malo demone; non qui illum invaserit, & propriè obsederit: sed qui illi institerit & adhaeserit, ut carnifex & Dei tortor, pœnas ab arroganti & superbo Rege exigens contumacis animi. Præcipuè autem illum vexasse, immisso morbo maniaco, quem facile fuit demoni excitare, humoribus. unde ille solet existere, perturbatis. Hac ratione possunt fortasse recentiores cum patribus conciliari, qui clarè non asserunt, fuisse Saulem ab hac die à demone obsessum, sed tantum vexatum. Hanc sententiam roborat 1. Medicorum consilium, qui virum psallendi peritum ad tristitiam & insaniam Regis mitigandam requirunt 1. Sam. 16, 16. 2. Scripture silentium, quæ auspiciam dicit, quòd Spiritus malignus in Regem intraverit, sed quod

quod tantummodo super illum venerit, cumque perturbaverit, quæ omnia exterius efficere potuit. 3. *Recentum imperium*: nam regia dignitate non motus est, cum eam usque ad extremum vitæ halitus retinuerit, multaq; gessit, quæ obsessio minime conveniunt. Regem Nebucadnezarem non fuisse obsessum probari potest ex eo, quia id ex verbis Danielis cap. 4, 10. colligi nequit: vesei enim ut bos, & sub dio jacere etiam insanis competit, hinc Lutherus in margine *Er wird vilsecht unsinnig / und mit bösen Geistern besessen worden seyn.* Accedit & illud, quod v. 31. dicitur, Regem illum ad sanam mentem rediisse. Priorem sententiam ut probabiliorem laudat quidem Dauhauserus l.c. p. 147. at nihil certi vult constituere, præprimis quando de Saule disceptatur, pag. 148. Nos posteriorem ut verisimiliorem Scripturæ silentio, aliisque circumstantiis freti defendemus.

SECTIO POSTERIOR,

perpendens

Satanæ ex obsessis profligationem.

THEOREMATA-

- I. *Expulsio Satana est actio, quâ Diabolus ex hominibus profligatur. estq; vel spiritualis vel corporalis.*
- II. *Spiritualis est, quando Diabolus verâ pœnitentiâ abigitur.*
- III. *Corporalis est, quando Diabolus ex corporibus humanis ejicitur. Est hæc vel Divina vel humana.*
- IV. *Divina est, quam Deus ipse perficit strictissimo suo jure, quod in Demones habet.*
- V. *Humana est, quam homines præstant. Estq; vel legitima vel illegitima.*
- VI. *Legitima est, cum licitis mediis Satan propellitur, & dispesci potest in ordinariam & extra ordinariam.*
- VII. *Ordinaria est, que fit ex fide simplici, per orationem & jejunium.*

VIII. *Extraordinaria est, quæ sit ex fide mirifica, per orationem
& imperium.*

IX. *Illegitima est, cum illicitis mediis Satan ejicitur, est vel ma-
gica vel judaica vel pontificia, de quibus in explicatio-
nibus.*

EXPLICATIO.

XLV. **P**ensulavimus hactenus Satanice obsessionis conditionē; recto ergo ordine ad Satanæ ex obsessis propulsionem accessum facimus, quæ passim in N. Test. per Græcum verbum ἐκβάλλειν exprimitur, quod non simplicem ejectionem denotat, sed coactam, quæ cum imperio & hostilitate quadam perficitur: quia enim Satanas quam ægerrimè suas sedes deferit, ideoque vis quædam requiritur in ejiciendis dæmonibus.

XLVI. *Definitio posita, quæ generaliter Satanæ expulsionem describit, constat genere & diff. specifica. Genus est actio: Sicut enim obsessio respectu Satanæ ita etiam expulsio in actione consistit, ut ipsum vocabulum satis innuere videtur. Differentia autem desumitur ab objecto & subiecto. Expulsionis objectum est Diabolus, qui obsessionem perficit, quocirca etiam est expellendus. Subiectum sunt homines, ex quibus Satanas profligatur.*

XLVII. *Quemadmodum autem supra obsessionem distinxi-
mus in spiritualem & corporalem; sic hoc loco expulsionem quoque dividimus; aut non eo sensu, ac si expulsio corporalis corporalibus mediis fiat, sed quia corpora pro subiecto habet.*

XLVIII. *Spiritualis nihil est aliud, quam vera & serâ pœnitentia, per quam cum peccatis Diabolum abigimus. Ut Angeli sancti adveniunt, & lætantur, homine pœnitentiam agente. Luc. 15. v. 10. ita è contrâ Cacodæmones aufugiunt, & tristantur, homine ad Deum se convertente.*

XLIX. *Corporalis quid sit, ex data descriptione facile intelligi potest. Dividimus eam in divinam & humanam. Ad divinam referimus Christi in ejiciendis dæmonibus potentiam: quam sæpissimè enim in statu exinanitionis dæmonia ex obsessis profligavit, partim, ut declararet personæ suæ dignitatem, quod vid. sit verus Messias, de quo in V. T. erat prædictum, eum caput serpentis esse conculcaturum, Gen. 3. 15. Sicut id ex eo quidam Judæorum collegisse videntur; Matth. 21. 23. partim, ut demonstraret officii sui int-*
lisatem

titatem, se idem in mundum venisse, ut opera Diaboli destrueret, 1. Johan. 3, 8. Ad humanam reducimus omnem expulsionis modum, quem homines in ejiciendis demonibus adhibent, five is laudem, five vituperium mereatur, ideoque humanam iterum subdividimus in legitimam & illegitimam.

L. Legitima nobis est, quæ fit mediis licitis, & in verbo Dei fundatis; quia autem Scriptura de duabus rationibus agit, quibus in expellendis demonibus homines Dei sunt usi, idcirco legitimam expulsionem dispecimus in ordinariam & extraordinariam. Ad ordinariam requiritur 1. Fidei simplicitas: cum enim impossibile sit sine fide Deo placere, Heb. 12. 6. quapropter nihil à Deo impetrare valeamus, nisi firma fide imbuti simus. Et sicuti sine fide in quovis negotio nihil quicquam obtinemus, Jac. 1. v. 7. ita etiam sine fide expulsionem Satanae minimè perficere possumus. 2. Orationis sedulitas, quæ non ad sanctos cum pontificiis, sed ad Deum est dirigenda. Quod autem oratio sit efficax medium expellendi demones, in quæstionibus confirmabimus. 3. Vitæ sobrietas Nam Christus orationi adjungit jejunium Matth. 17. v. 21. Quidam statuunt, inquit Gerhardus in Isag. p. 613. esse in verbis Christi Hebraismum ac figuram ἐνδιὰ δού, ut intelligatur oratio ardens ac seria. Quidam intelligunt de penitentia, cujus signum extremum olim fuit jejunium. Sed nihil obstat, quò minus in propria significatione hic accipimus. Ut enim Diabolus crapula & libidinibus delectatur; ita jejunium cum piis precibus conjunctum ipsi vehementer est invisum, cum carnis mortificationi, & Spiritus ad preces ardentiores preparationi inserviat, unde in primitiva Ecclesia usitatum fuit, certos jejuniorum dies indicere, in illis conventus publicos instituere, demoniacos in eos introducere, conjunctis precibus pro avertenda ipsorum plaga Deum invocare, Psalmos & hymnos canere, quorum mediorum efficaciam eventus ipsi comprobavit; Athanas. in Synopsi V. T. Chrysost. hom. 3. de incompreh. Dei nat. hom. 58. Matth. lib. 22. De C. D. c. 8.

LI. Ad extraordinariam expulsionem requirebatur 1. Fides mirifica, qua Apostoli, paucique alii in primitiva Ecclesia instructi fuerunt, 2. Oratio sedula: nam quia potestas ejiciendi demones non erat Apostolorum propria, ideoque & illis oratio fuit necessaria, 3. Imperatio Apostolica: Diabolis enim in nomine Christi præcipiebant, ut exirent Act. 16, 18. Verùm hæc extraordinaria po-

restas post constitutam Ecclesiam Christianam cessavit. Lutherus in colloq. mens. f. 101. edit. Lips. ita hac de re loquitur: *Nos hodie nec possumus nec debemus Diabulos ejicere certis Ceremoniis & verbis, sicut olim Prophetae, Christus & Apostoli fecerunt. Sed nostrum est orare in Christi nomine, Ecclesiam ad serias preces sedulo exhortari: ut Deus & pater Domini nostri Jesu Christi misereatur Obsessumq; ab hoc horribili malo liberet. Quod si preces proficiuntur ex firmâ fide in promissionem Christi recumbente, tum satis valida & efficaces sunt, ut cogatur Daemon ex obsesso discedere, sicut aliquot exemplis comprobatum extat. Alia ratione non possumus Demones expellere. Si quis vero immediate à Deo vocatus & fide miraculosa praeditus esset, is posset Diabulos ex corporaliter obsessis ejicere, sicut olim fecerunt Prophetae & Apostoli &c.*

LII. *Illegitimam potestatem ejiciendi Demones vocamus eam, quæ mediis illicitis & in verbo Dei haud fundatis constat, qualis est veneficorum, Judaeorum & Pontificorum.*

LIII. *Magica expulsio est, quâ Magi Demones per suas incantationes & praestigias expellunt, estq; potius egressio quàm expulsio dicenda, quia Satanas ad imperium & voluntatem suorum sponte cedit. Hanc tempore Christi in Judæa usitatam fuisse exinde apparet, quia Pharisei & scribae dicunt, Christum per Beelzebub daemonia ejicere, Matth. 12, 24. Luc. 11, 15. Imprimis autem celebris est Apollinus Thyanæus, de quo Philostratus Lemnius in Apollonii vita lib. 4. c. 6. pag. 235. Is multos sibi discipulos conscivit, de quibus Eusebius in libris contra Philostratum. Leo Africanus scribit quosdam Magos repertos fuisse, qui post ductos aliquot circulos & characteres in fronte Daemoniaci, interrogatumq; Daemonem, eundem ab hominibus exegerant. Vide Tyr. c. 34. p. 108. itemq; Bald. cas. conf. cal. 8. lib. 2. c. 3. p. 635. Sed quia Magi in hoc artificio ope Daemonis utuntur cane pejus & angue hanc artem odisse Christianis convenit. Recte Tyræus cap. 35. p. III. *Quodcunque hic propositum sit bonum, quodcunque malum caveri possit, permitti non debet, ut opera demonum in demonibus pellendis quis utatur.**

LIV. De judaica expulsionem ita loquitur Josephus lib. 8. antiq. c. 2. *Praestitit autem Deus etiam Salemoni, ut contra Demones artem ad utilitatem hominum & eorum curas, edisceret, & incantationes instituit, quibus adstricti Demones, ne denuò redeant, effugantur. Et hac cura hactenus apud nos multum prevalere dignoscitur. Vidi enim*
quendam

quendam Eleazarum de gente nostro, presente V. spasiene, & eius filius
& tribunis aliisque simul, exercitum, curantem eos, qui à Daemonibus vexa-
bantur. Modus autem medicina fuit huiusmodi. Intulit naribus ejus,
qui à Demonio vexabatur, annulum habentem sub signaculo radicem
à Salomone monstratam deinde per nares odorantis Demonium abstra-
xit, & repente cecidit homo. Postea id adjuravit, ne amplius rediret,
Salomonis interim mentionem faciens, & incantationes ab eo inventas
recitans. Volens autem satisfacere ac probare presentibus Eleazarus,
hanc se habere virtutem, ponebat ante eos aut calicem, aut pelvim aqua
plenam; & demoni imperabat, ut ab homine egressus, ea everteret, &
videntibus praberet indicium, quod hominem reliquisset: quo facto sapi-
entia Salomonis cunctis innotuit. Hactenus Josephus. Radix illa Baaras
dicta fuit, quam Josephus describit lib. 7. c. 52. de bello jud. itemq;
V. V. lib. 4. c. 18. p. 444. Sed hanc daemones eliminandi ratio-
nem quamvis Tyræus cap. 34. p. 109. divinam dicat: nos tamen
eam superstitionem rejicimus. Aut enim divina fuit aut natura-
lis, aut diabolica. Non divina, quia annulo & radice peracta est.
Non naturalis, quia corporea nihil ad profligandos daemones: nihil ad
res, quæ naturæ vires superant, facit, ipso Tyræo fatente & loquente
cap. 43. pag. 145. E. Diabolica fuerit necessum est. Quod autem
à Salomone non fuerit inventa, patet ex Scripturæ silentio, quæ
hanc artem inter dona ejus non recenset, 1. Reg. 4, 29. 30. Hinc
Pineda in Salomone prævio lib. 3. c. 29. & Delrio lib. 6. c. 2. q. 3. s. 2. scri-
bunt eam Salomoni esse affectam Conf. V. V. lib. 1. c. cap. 443. & Bald.
cas. conf. 1. 3. c. cas. 8. p. 636. Ad eandem rem addibuerunt etiam
Judæi nomen tetragrammaton. Cui enim illud scire, aut fari licuisset,
quemlibet eam facultatem adversus Dæmonia affectum esse testatur
Epiphanius agens contra Ebionæos cap. 30., & Tyr. cap. 34. pag. 107.
Sed de illo ita Syxtus Senensis in biblioth. sanctæ lib. 2. ad nomen
Eldras. Quicquid prodigiorum sit arte Kabbalistica cum ligantur Dæ-
mones occulta vi nominum divinorum, Necomanticum esse & magicum,
vel ipsa agnovit inquisitio Romana, quæ omnes libros ad Kabbalam
pertinenter damnavit.

LV. Pontificiam quod concernit, non uno modo ea perfici-
tur; licet enim plerumque per Exorcismum dæmonia ejiciant.
Tyræus tamen cap. 41. quinque diversorum modorum meminit,
quibus apud pontificios dæmonia ex hominum corporibus ejici-
untur

untur 1. est, per *Nominis Domini nostri Jesu Christi invocationem*. Hac ratione usi sunt Apostoli & alii sancti in primitiva Ecclesia, Luc. 10, 17. Marc. 16, 17. Act. 16, 18. sed non sufficebat nuda nominis pronuntiatio; verum etiam firma fiducia in Christum requirebatur, uti apparet ex Matth. 17, v. 20. Nudum nomen demonibus, non est molestum aut grave, quia illud aliquoties ex obsessis protulerunt Matt 8, 29. Marc. 1, 14. Confer. historiam Act. 19, v. 14, 15, 16. descriptam. Quanquam autem Tyræus hanc ejiciendi rationem inter eas numeret, quas Ecclesia pontificia observet, nunquam tamen eam ita adhibent, ut Sancti Dei homines; sed multis superstitionibus exorcisticis permiscant, ut ex thesauro Exorcismorum constat. 2. per *usum reliquiarum*. Hunc modum magni faciunt pontificii: protestatione enim peracta aliquas Sanctorum reliquias huic usui concessas, à collo in pectore demoniacorum pendere faciunt Vid. Thes. Exorcismorum pag. 47. Tyræus eum stabilire conatur *primò Chrysostomi testimonio* c. 41. pag. 131. Sed ex ejus verbis id neutiquam sequitur, cum respectum ad historias sacras habeat. *Deinde multis Exemplis tam sacris quam profanis* pag. 13, 8. &c. At Apostolorum vestibus id imputari nequit, sed fides agrotorum, quia ipse Christus suis vestimenti talem hominem denegar. Marc. 5, 34. Idem sentiendum de Apostolorum aliorumq; Sanctorum reliquiis si verum est, quod de iis autores referunt. Recentiora autem exempla ut ficticia rejicimus quia hæc virtus jamdudum expiravit, & à suspectis autoribus sunt consignata. *Denique effectis reliquiarum aliis.* At licet per quasdam Sanctorum reliquias potentissimus Deus ediderit miracula, ex g. per ossa Elisæi, 2. Reg. 12, 21. exinde tamen non sequitur, omnes fuisse mirificas. Papistarum enim exempla mera sunt nugamenta & minime acceptanda. Quam vehementer autem Satanas Sanctorum reliquias formidet, perspicui potest ex Ep. Jud. v. 9. Et Matth. 4, v. 5. Eum se timere talia sæpè fingere, confitetur *Thes. exercis. p. 302.* 3. est, per *sanctæ crucis impressionem*. Signum crucis legitime usurpatum nos quidem non improbamus: sed per illud demones posse expelli negamus, quia Satanas nudum crucis signum non veretur, uti experientia testatur. V. Danh. l. c. p. 261. Effectus si legitime consecutus est, non cruci, sed Christo crucifixo in acceptis est referendus. 4. est, per *usum rerum consecratarum*.

Aqua

Aqua enim sal, herbarum imagines cereæ, quas ab effigie cereæ impressa, agnum Dei vocant, aliarque res ab Exorcistis certis precationum formulis consecrantur & benedicuntur, ut iis contra Dæmonum infestationes & molestias utantur. *Thes. ex p. 20. 219.* Sed de hac consecratione non modò Scriptura Sacra tacet; verum etiam contra legitimum creaturarum usum adhibetur, ideoq; nos eam meritò ut superstitionem repudiamus. Ad Tyræi fulcimenta destruenda, in quibus occupatur c. 45. p. 154. notetur initio, res sensibiles & naturales Dæmones pelleri non posse. *Deinceps*, quòd fideles illicita à Deo non possint precibus impetrare Matth. 20. v. 23. Porro, quòd papistica benedictio à Dei benedictione toto cælo distet. *Præterea* quòd maledictio aquæ in V. T. pro se mandatum Dei habeat. Num. 5. 18. *Denig.* magnam esse differentiam inter consecrationem primitivæ Ecclesiæ & benedictionem Ecclesiæ Romanæ. Exemplo autem ab eò adducta vel sunt heterogenea, vel falsitate insigni laborant.

LVI 5. *Est demonum per exorcismos adjuratio; in qua juxta Tyræum pag. 164. attendenda sunt res & verba. Verba diriguntur 1. ad Deum per orationem & sacrificium Missæ, ut exorcista adesse, atque hominem miserum à Dæmonum potestate eripere velit. 2. Ad Sanctos per Litaniam, ut pro Energumeno orent demonesq; flagellent. vid. Exorcif. thesaurus pag. 71. 3. Ad obsidentes demones per adjurationem, in qua durioribus verbis inerepantur. Imperatur iisdem quandoq; ut se prodant, nomen dicant, prodant socios; explicent causas, cur homines ingressi: ex hominibus discedant; infernum petant; discessum suum aliquando signo declarent. Res similiter in Exorcismo varie sunt, atq; multiplices. Quædam sacra sunt; quedam signa sacrarum. Sacra sunt sanctissimum Christi corpus, quod sub visibilibus speciebus offertur: Sanctorum reliquie, quæ aliquando adhibentur: Aqua benedicta; quæ obsessi asperguntur. Signa rerum sacrarum sunt, Crux maximè, quæ nunc fronti, nunc pectori, nunc aliis obsessorum membris imprimitur. His accedit locus, ubi Exorcismus peragitur: qui plerumque templum est: vestes item sacre, quibus Exorcista induitur: Stola, quæ aliquando obsessis imponitur: impositio manuum Sacerdotum; cerei ardentes: quæ interdum adhibentur flagella: atque digitorum Exorcistæ in os obsessi immisio. Sed hic exorcismus non modo non in Scriptura fundatur; verum etiam Scripturæ contrariatur. Christus dicit Matth. 17.*

v.21. Hoc genus non ejicitur, nisi per orationem & jejunium.
 Pontifici autem scribunt: Hoc genus ejicitur non solum per ora-
 tionem & jejunium, sed etiam per alia media. Credendum igitur
 magis est soli Christo veraci, quam Pontificiorum turbæ falla-
 ci: *Duch dieses kräftige und unwiedertreibliche Nisi, wird
 der ganze Gauckelsack der Päpstischen Ubergläubigen Mittel
 durchlöchert und verworffen/* ait Danhav. pag. 256. Præte-
 rea hic exorcismus sapit. 1. *Idololatriam*, quia sancti hic invocan-
 tur & idololatricum sacrificium Missa instituitur. 2. *Teme-
 ritatem & audaciam*, quia Exorcistæ præter Dei mandatum in-
 sultant Satanæ, & potestatem miracula faciendi sibi vendicant.
 3. *Curiositatem & imprudentiam*, quia ex mendacii patre verum co-
 gnoscere allaborant. 4. *Superstitiosam fiduciam*: Putant enim, dæ-
 mones posse expelli per Sanctorum reliquias; aquam benedictam
 crucem, vestes sacras &c. Deinde etiam Sacramento Eucharistiæ
 supersticiosè abutuntur præter ordinem & finem à Christo institu-
 tum. 5. *Impietatem & malitiam*, quia homines miseros flagellis
 cædunt, cum tamen afflictio non sit addenda afflictio, Syr. 4. v.3.
Nec obstat Christi factum, Marc. 7. v.33. Tyr. pag. 173. iste enim
 ægrotus non fuit dæmoniacus. 2. Christi actiones præter man-
 datum non sunt temerè imitandæ. *Nihil quoque impedit, quòd multi
 in Papatu per hunc exorcismum à demonibus sint liberati*: nam exem-
 pla allegata suspicione non carent. 2. Exorcistæ possunt habere
 pactum cum Diabolo; sicut id agnoscit *Delrio in anacephaleosi
 disq. mag. ad lib. 6. monito. 10.* 3. Lubens & colludens interdum
 Diabolus cedit, ut superstitiosi in superstitione crescant. *Sathan
 simulat se captum, ut te capiat; se vinctum, ut te vincat, se tuo imperio
 subditum, ut te sibi subdat*, ait *Henricus de Hasfia apud Delrionem
 lib.2. disq. q.30. s.2.4.* non sequitur: Hoc modo se expelli pati-
 tur Satan, E. hic modus est legitimus; Sic enim & magicus expel-
 lendi modus non esset rejiciendus, quem tamen omnes
 Papicolæ improbant.

QUÆSTIONES.

QUÆSTIO I.

An detur aliqua potestas, per quam Diaboli ex hominum corporibus possint exturbari ?

LVII. **U**Tique. Id enim probant 1. *Scriptura dicta*, in quibus vel mentio fit ejedionis, ut Matth. 4. 24. Marc. 8. 29. vel potestas expellendi datur, ut Luc. 9. 1. Marc. 16, 17. 2. *Quàm plurima exempla*. Christus aliquoties dæmones ejicit, Marc. 5. 27. c. 6, 8. c. 16, 9. Luc. 11, 14. Discipuli ejus idem fecere ante & post ascensionem Christi ad cœlos, Luc. 10. 17. Act. 5., 16. Paulus non duntaxat Spiritum Pythonem ex ancilla Philippensi ejecit, Act. 16, 14. sed sudariis suis quoq; dæmones ex oblesis profligavit, Act. 19 v. 12. 3. *Patrum testimonia*. Justinus de veritate relig. Christ. *Ejus*, scribit, *nominis (JESU) potentiam dæmones tremunt & reformidant & hodiè quoquè illi per nomen Jesu Christi crucifixi sub Pontio Pilato, qui Judææ procuratorem egit, adjurati nobis parent*. Tertull. ad Scapulam c. 2. *Dæmones non tantum respicimus; verum etiam revincimus, & quotidie traducimus, & de hominibus expellimus, sicut plurimis notum est*, Lactantius 1. 4. Inst. c. 27. *Sicut Christus, cum inter homines ageret universos Dæmones verbo fugavit: ita nunc sectatores ejus in nomine Magistri sui, & signo passionis ejus eos ab hominibus excludunt*. Conf. Justinus in Dial. cum Tryph. Tertull. de coron. milit. & in apol. c. 32. Cyprianus ad Demetr. Lact. lib. 2. inst. c. 16. Tyraeus p. 3. disp. de Dæm. c. 33. pag. 104.

QUÆSTIO II.

An extraordinaria ejiciendi

Dæmones ratio adhuc hodie in Ecclesia vigeat ?

LVIII. **N**Eutiquam. Nam illud patet 1. *ex speciali hujus privilegii collatione*, quibus enim Christus præcepit, ut Evangelium per totum terrarum orbem prædicarent, iis duntaxat hoc privilegiū concessit, Marc. 16, 15, 17. Id autem solis Apostolis & paucis aliis in

primitivâ Ecclesiâ mandavit. 2. *Ex sufficienti Evangelii confirmatione.* Hanc ob causam suos discipulos signis & miraculis armavit Christus, veritatem Evangelii demonstrare & confirmare inter credulos & obstinatos populos possent. Consecuto autem fine, media illa non amplius requiruntur. 3. *Ex aliorum signorum cessatione:* quis enim hodie loquitur novis linguis, ut Apostoli? quis venena illæsus arte non præmunitus bibit? quis impositione manuum ægrotos sanat? 4. *Ex perspicua Christi debortatione:* nam Matth. 24. monet, ne signis attendamus.

LIX. Notandum hoc est 1. *contra Tyraem*, qui potestatem hanc extraordinariam nondum vult extinctam. c. 33. n. 8. & 10. p. 106. *Nostris quoque temporibus*, scribit, *in Christi apud Catholicos Ecclesia, hæc potestas est; & eadem illa qua à Christo suis primùm collata fuit Discipulis & sequentibus seculis perduravit.* Quod quamvis quidam sine ratione negent, probari tamen baud obscure inde potest; quòd eadem est apud Catholicos, qua in Apostolis fuit & majoribus nostris orthodoxa fides: quòd idem Catholicis, quòd olim illis fuit propositum, denique quòd non alio ferè modò, quàm olim ad Demones expellendos adhibeantur machine & tormenta. Sed Pontificii non habent 1. orthodoxam fidem, quia in meritis bonorum operum salutem querunt, contra Rom. 3. 18. & c. 2. Eorum exorcismus primitivæ Ecclesiæ exorcismo non respondet, sicut Tyræus ipse indigitat c. 46. p. 163. ubi scribit: *Porro non una semper eademque hujus rationis demonia ejiciendi (sc. per exorcismum) fuit forma.* Olim ferè paucioribus rebus videtur constitisse, nunc quandoque plura adhibentur, quod non tam facili modò quam olim à demoniis corpora videantur liberari. 3. Ipse Jesuita Maldonatus Christi promissionem Marc. 16. 17. ad priora Ecclesia tempora restringit in comm. ad Marc. 16. p. 807. 2. *Contra quosdam Lutheranos papizantes imperiosè per flagella aliadq; illegitima media Satane exitum imperantes.* Horum arte ad expellendum Satanam non esse utendum, docet Balduinus in cas. conf. l. 3. c. 3. cap. 10. p. 640.

QUÆSTIO III.

Quo pacto Dæmones hodiè
sint expellendi?

LX. **F**ideli & piâ precatione: id enim Deus præcepit, Psal. 30. v. 15. **F**id præsens Ecclesiæ status requirit, ejus arma sunt preces & lacrymæ. Dæmones autem per orationem expelli posse, constat
 1. *Ex Christi assertionem*, Matth. 17. 21. Marc. 9. 29. 2. *Ex precum operatione*. Joh. 16. 23. Jac. 5. 16. 3. *Ex historica relatione*. Cananæa precibus impetravit liberationem filia à dæmonio, Marc. 7. v. 29. Sic parens obsessi pueri precibus à Christo contendit, ut filium è potestate Satanae eripiat, & voti dampnetur Matth. 17. v. 15. Hic expellendi modus etiam in antiqua Ecclesia observata fuit. *Anobis*, inquit Minutius Felix in Octavio. *tormentis verborum & orationis incendiis exiguntur*. Cyprianus scribit ad Demetr. *Dæmones exire coguntur spiritualibus flagris & orationis flagellis*. Origen. in c. 17. Matth. *Si quando nos oportet obsessis opitulari, non loquamur cum Spiritu vel adjurando vel imperando, quasi nos audiat, sed tantum precibus vel jejunis incumbendo perseveremus*. Sozom. lib. 6. c. 28. de quodam viro in Ægypto scribit, *quod precibus solum morbos & dæmones expulerit*. Idem Lutherus non modo svasit in colloq. fol. 204. edit. Isleb. sed opere implevit. vide Bald. casus consc. l. 3. c. 3. cas. 11. p. 646. Orandum autem est, ut brevi me expediam
 1. *Ardenter & unanimiter*, quod fiet, si tota Ecclesia devotas preces junget juxta monitum Jacobi c. 5. 14. & promissum Christi, Matth. 18. 19. 2. *Frequenter & fideliter*: nam fides est anima orationis, frequensq; repetitio gratiam ei apud Deum conciliat. 3. *Instante & conditionaliter*: quia enim expulsio Satanae est corporale beneficium, ideoque cum conditione petendum est, sed non sine perseverantia. Qualis processus cum Obsessis sit instituendus ex Wierilib. 4. c. 21. & subseq. ostendit Bald. l. c. p. 643.

QUÆSTIO IV.

Quare Deus non statim exaudiat preces & dæmones ex obsessis ejiciat?

LXI. **C**erta quidem hujus dilationis causa in certis casibus dari nequit; attamen dici potest, quod Deus plerumque differat suum auxilium. 1. *Ut declaret suam erga peccatores iracundiam*: nisi ergo per veram pœnitentiam tollantur peccata, hoc malum tolli nequit. 2. *Ut probeat nostram in orando constantiam*, sicut id perspicere potest

potest ex muliere Cananæa, Matth. 15, 21. 3. Ut exploret nostram in dolendo patientiam. 4. Ut avertat securam in peccando malitiam 1. Pet. 4. v. 1. Prorogationis hujus causa assignari etiam potest cum nostre in petendo incredulitati, Matth. 17, 20. cum divine in decernendo voluntati: quemadmodum enim obsessionis causa occulta esse potest; ita dilationis causa sæpe numero est occulta, licet non sit injusta. Instantes idcirco precibus cum patientia liberationem expectemus. Certò Deus nos exaudiet, si non ad voluntatem, attamen ad utilitatem. Conf Tyr. c. 46. p. 173. Bald. l. c. p. 648.

QUÆSTIO V.

An corporalibus mediis ex humanis corporibus dæmones pelli possint?

LXII. **Q**uanquam eorum domicilium medicamentorum virtutibus possit labefactari, ut vires suas pro lubitu exercere nequeant, detractis & mitigatis corporis humani humoribus; nullo tamen modo per corporalia media expelli possunt. *Sunt enim creatura spirituales, in quos res sensiles non agunt, ut loquitur Tyraeus c. 48. pag. 176. Spiritus sunt dæmones, ait VVierus 4. l. c. 16. de præst. dæm. p. 437. qui ut nullis alliciantur plantis vel terrenâ substantia, ita nec fugantur: etiamsi plerumque apud suos cultores, se aliquorum potentia invitari, allici, trahi, cogi, vel etiam abigi, ut impia credulitate eos sibi magis obstringant, fraudulentè simulent.* Nec impedit exemplum Saulis, 1. Sam. 16, 23. nos enim 1. ejus obsessionem in dubium vocamus. 2. David tantummodo dulci cytharæ sono insaniam ac furorem ejus mitigavit, ut annotat Brentius in h. l. p. 581. Non obstat etiam liber Tobiae cap. 6, 9. est enim liber apocryphus, qui ἀπὸ μὲν δαίμονα continet, cum capite 8, 3. dicatur, non fumum, sed Angelum profligasse dæmonem. Neque denique obstat radix Baaras, quâ Judæi usi fuere: mera namque incantatio fuit. Errant ergo Papicolæ, qui certis odoribus, saporibus &c. dæmonem expellere tentant, ut ex thesauro Exorcismorum hinc & inde constat.

QUÆSTIO VI.

Num hæretici possint expellere dæmones?

LXIII. **U**tique, quia pactum ipsis cum Diabolo potest intercedere, ut lubens ex corporibus emigret. Deinde etiam id præstant venefici, ipso fatente Tyræo c. 19. p. 108. quidni E. etiam hæretici? Tyræo autem illud neganti c. 40. p. 127. opponimus Maldonatum, qui id ipsum ex c. 7. Matthæi evincit, in comm. super Matth. c. 7.

QUÆSTIO VII.

Quare Diaboli ex hominum corporibus ægerrimè discedant?

LXIV. Quòd dæmones ex hominibus invitè exeant ex græco verbo ἐκβάλλειν colligi potest, quod sæpe in N. Test. occurrit, itemque ex locis Marc. 5, 26. Matth. 8, 29. Ægerrimè enim sedes suas relinquunt, quia nihil magis in votis habent, quàm ut homini noceant & molestiam exhibeant. Plura de hac quæstione habet Tyræus cap. 49. & 10. pag. 181.

QUÆSTIO VIII.

An ex certis signis possit animadverti, dæmones ex corporibus discessisse?

LXV. Tyræus cap. 52. multa enumerat signa, quæ partim ab Exorcistis extorquentur, partim ultro à dæmonibus eduntur. Sed quia ista signa non sunt perpetua, atque ex parte superstitiosa, ideoque meritò à nobis repudiantur. Discessum autem Diaboli quodammodo intelligere possumus. 1. *ex tormentorum fine*, quando longo temporis intervallo interjecto consuetos cruciatus non sustinent. 2. *Ex obsessorum facie*: naturalem enim formam nonnunquam recuperant & pallorem exuunt. Solent etiam frontem exporrigere & lætioris animi esse. Ast magna hic requiritur cautio, ne iudicium præcipitemus. Satiùs est preces prorogare, quàm ante tempus abrogare.

Ad

Ad supplendam paginam duo adhuc breviter excutiemus: An homini Christiano licitum sit auxilium contra obsessionem apud Medicos, & Pontificios Exorcistas quærere?

LXVI. **D**iximus supra, quod res corporalis nihil ad exterminandos Diabolos faciat, ideoque ex eo colligi potest, frustra auxilium apud Medicos in obsessione quæri. Sed quoniam sæpissimè fit, ut *Dæmones* eos frequentius invadant, in quibus atra bilis major copia, quia succus ille cum primis illi videtur idoneus ut homines in furorem & insaniam vertantur, unde illis potissimum insidiantur, & morbos inferunt melancholicos, air. Gerh. in II. p. 611. Humori melancholico, uti materia suis ludibriis consentanea, Diabolus se insinuat libentissimè, scribit Wier. 1.3.c.19.p.360. de dæm. præst. Licet igitur Medicorum operâ ad expellendos Dæmones uti nequeamus, tamen est adhibenda, ut succos malignos commodis medicamentis expurgent. A posteriori nos dehortatur 1. Scripturæ autoritas, quæ communionem cum Pseudoprophetis interdicat Matth. 7.15. 2. Johan. v.10. 2. Corinrh. 6,15. 2. Suspicionis gravitas, quia hac ratione suspectum reddimus nostram fidem, ac si colluderemus cum Pontificiis

3. Exorcismi vanitas: est enim res superstitiosa & phantastica.

Christo summo nostro Doctori & Ductori sit gloria & gratia.

